

四庫全書薈要

• 乾隆御覽本

史部

欽定四庫全書薈要

史部
史記卷一



詳校官主事銜臣徐以坤

欽定四庫全書薈要卷三千五百七十九

史部

史記卷一

漢

太史

令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

五帝本紀第一

集解裴駟曰凡是徐氏義稱徐姓名以別之餘者悉是駟註解并集衆家義索隱紀者記也本

其事而記之故曰本紀又紀理也絲縷有紀而
帝王書稱紀者言為後代綱紀也正義鄭玄注
中候勅省圖云德合五帝坐星者稱帝又坤靈
圖云德配天地在正不在私曰帝按太史公依
世本大戴禮以黃帝顓頊帝嚳唐堯虞舜為五
帝譙周應劭宋均皆同而孔安國尚書序皇甫
謐帝王世紀孫氏注世本並以伏羲神農黃帝
為三皇少昊顓頊高辛唐虞為五帝裴松之史
目云天子稱本紀諸侯曰世家本者繫其本系
故曰本紀者理也統理衆事繫之年月名之曰
紀第者次序之目一者舉數之由故曰五帝本
紀第一禮云動則左史書之言則右史書之左
陽故記動右陰故記言言為尚書事為
春秋按春秋時置左右史故云史記

黃帝者

集解徐廣曰號有熊索隱按有土德之瑞土色
黃故稱黃帝猶神農火德王而稱炎帝然也此

以黃帝為五帝之首蓋依大戴禮五帝德又譙周宋均亦以為然而孔安國皇甫謐帝王世紀及孫氏註系本並以伏羲神農黃帝為三皇少昊高陽高辛唐虞為五帝註號有熊者以其本是有熊國君之子故也都軒轅之邱因以為名又以為號又據左傳亦號帝鴻氏也正義輿地志云涿鹿本名彭城黃帝初都遷有熊也按黃帝有熊國君乃少典國君之次子號曰有熊氏又曰縉雲氏又曰帝鴻氏亦曰帝軒氏母曰附寶之祁野見大電統北斗樞星感而懷孕二十四月而生黃帝於壽邱壽邱在魯東門之北今在兗州曲阜縣東北六里生日角龍顏有景雲之瑞以土德王故曰

少典之子

集解譙周曰有

熊國君少典之子也皇甫謐曰有熊今河南新鄭是也索隱少典者諸侯國號非人名也又按國語云少典娶有蟠氏女而生炎帝然則炎帝亦少典之子炎黃二帝雖則承帝王代紀中間凡隔八帝五百餘年若以少典

是其父名宣黃帝經五百餘年而始代炎帝後為天子
乎何其年之長也又按秦本紀云顓頊氏之裔孫曰女
脩吞玄鳥之卵而生大業大業娶少典氏而生栢翳明
少典是國號非人名也黃帝者少典氏後代之子孫賈
逵亦以左傳高陽氏有才子八人亦謂其後代子孫而
稱為子是也譙周字允南蜀人魏散騎常侍徵不拜此
註所引者是其人所著古史考之說也皇甫謐字士安
晉人號玄晏先生今所引者是其所作帝王世紀也

姓公孫名曰軒轅

索隱按皇甫謐云黃帝生於壽丘長於姬水因以為姓居軒轅之丘因以

為名又以為號是本姓公孫長居姬水因改姓姬

生而神靈弱而能言

索隱弱謂幼弱

時也蓋未合能言之時而黃帝即言所以為神異也潘
岳有哀弱子篇其子未七旬曰弱正義言神異也易曰
陰陽不測之謂神書曰人惟
萬物之靈故謂之神靈也

幼而徇齊

集解徐廣曰墨子曰年踰十五

則聰明心應無不徇通矣。駟案徇疾齊速也。言聖德幼而疾速也。索隱斯文未明。今案徇齊皆德也。書曰聰明齊聖。左傳曰子雖齊聖。齊謂聖德。齊肅又按孔子家語及大戴禮並作叡齊。一本作慧齊。叡慧皆智也。太史公採大戴禮而為此紀。今彼文無作徇者。史記舊本亦有作濬齊。蓋古字假借。徇為濬濬深也。義亦並通。爾雅齊速俱訓為疾。尚書大傳曰多聞而齊給。鄭註云齊疾也。今裴氏註云徇亦訓疾。未見所出。或當讀徇為迅。迅於爾雅與齊俱訓疾。則迅濬雖異字而音同也。又爾雅曰宣徇遍也。濬通也是。遍之與通義亦相近。言黃帝幼而才智周徧且辯給也。故墨子亦云年踰五十則聰明心慮不徇通矣。俗本作十五非。是按謂年老踰五十不聰明何得。長而敦敏成而聰明。正義成謂年二十冠成人云十五。長而敦敏成而聰明也。聰明聞見明辯也。此以

上至軒轅皆大戴禮文

軒轅之時神農氏世衰

集解皇甫謐曰易稱庖犧氏沒神農

氏作是為炎帝班固曰教民耕農故號曰神農索隱世
哀謂神農氏後代子孫道德哀薄非指炎帝之身即班
固所謂參虛皇甫謐所云帝榆罔是也正義帝王世紀
云神農氏姜姓也母曰任姁有嬌氏女登為少典妃遊
華陽有神龍首感生炎帝人身牛首長於姜水有聖德
以火德王故號炎帝初都陳又徙魯又曰魁隗氏又曰
連山氏又曰列山氏括地志云厲山在隨州隨縣北百
里山東有石穴曰神農生於厲鄉所謂列山氏也春秋
時為諸侯相侵伐暴虐百姓而神農氏弗能征於是軒
厲國

轅乃習用干戈呂征不享

索隱謂用干戈以征諸侯之不朝享者一本或作亭亭訓

直以征諸侯之不直者

諸侯咸來賓從而蚩尤最為暴莫能伐

集解

應劭曰蚩尤古天子璣曰孔子三朝記曰蚩尤庶人之
貪者索隱按此紀云諸侯相侵伐蚩尤最為暴則蚩尤

非為天子也。又管子曰：蚩尤受廬山之金而作五兵，明非庶人，蓋諸侯號也。劉向別錄云：孔子見魯哀公問政，比三朝退而為此記。故曰：三朝凡七篇，並入大戴禮。今此文見用兵篇也。正義：龍魚河圖云：黃帝攝政有蚩尤兄弟八十一人，並獸身人語，銅頭鐵額，食沙造五兵，仗刀戟大弩，威振天下，誅殺無道，萬民欽命。黃帝行天子事，黃帝以仁義不能禁止蚩尤，乃仰天而歎，天遣玄女下授黃帝兵符，伏蚩尤。後天下復擾亂，黃帝遂畫蚩尤形像以威天下。咸謂蚩尤不死，八方皆為殄滅。山海經云：黃帝令應龍攻蚩尤，蚩尤請風伯雨師以從，大風雨。黃帝乃下天女曰魃以止雨，雨止遂殺蚩尤。孔安國曰：九黎君號蚩尤是也。

炎帝欲侵陵諸

侯諸侯咸歸軒轅軒轅乃脩德振兵

正義振整也

治五氣

集解

王肅曰：五行之氣，索隱謂春甲乙木氣，夏丙丁火氣之屬，是五氣也。藝五種

集解：藝，樹也。詩云：藝之荏菹。周

禮曰穀宜五種鄭玄曰五種黍稷菽麥稻也索隱執音藝藝種也樹也五種即五穀也音朱用反此註所引見

詩大雅生民之篇爾雅云荏菽戎菽也郭璞曰今之胡豆鄭氏曰豆之大者是也正義執音魚曳反種音腫

撫萬民度四方

集解王肅曰度四方而安撫之正義度音徒洛反

教熊羆貔貅

羆虎

索隱書云如虎如貔爾雅云貔白狐禮曰前有摯獸則載貔貅是也爾雅又曰羆獫狁似狸此六者猛

獸可以教戰周禮有服不氏掌教擾猛獸即古服牛乘馬亦其類也正義熊音雄羆音碑貔音毗貅音休羆音

丑于反羆如熊黃白色郭璞云貔執夷虎屬也以與炎按言教士卒習戰以猛獸之名名之用威敵也

帝戰於阪泉之野

集解服虔曰阪泉地名皇甫謐曰在上谷正義阪音白板反括地志云阪

泉今名黃帝泉在媯州懷戎縣東五十六里出五里至涿鹿東北與涿水合又有涿鹿故城在媯州東南五十

里本黃帝所都也晉太康地里志云涿鹿城東一里有阪泉上有黃帝祠按阪泉之野則平野之地也

三

戰然後得其志

正義謂黃帝克炎帝之後

蚩尤作亂不用帝命

正義言蚩

尤不用黃帝之命也

於是黃帝乃徵師諸侯與蚩尤戰於涿鹿之

野

集解服虔曰涿鹿山名在涿郡張晏曰涿鹿在上谷索隱或作濁鹿古今字異耳按地理志上谷有涿鹿

縣然則服虔云在涿郡者誤也

遂禽殺蚩尤

集解皇覽曰蚩尤家在東平郡壽張縣闕鄉城中高

七丈民常十月祀之有赤氣出如匹絳帛民名為蚩尤旗肩髀冢在山陽郡鉅野縣重聚大小與闕冢等傳言

黃帝與蚩尤戰於涿鹿之野黃帝殺之身體異處故別葬之索隱按皇甫謐云黃帝使應龍殺蚩尤于凶黎之

谷或曰黃帝斬蚩尤于中冀因名其地曰絕轡之野皇覽書名也記先代冢墓之處宜皇王之省覽故曰皇覽

是魏人皇象
繆襲等所撰

而諸侯咸尊軒轅為天子代神農氏是為

黃帝天下有不順者黃帝從而征之平者去之

正義平服者即

去披山通道

集解徐廣曰披他本亦作破字蓋當為諛說者旁其邊之謂也披語誠合今世然古

今不必同也索隱披音如字謂披山林草木而行以通道也徐廣音諛恐稍迂也

未嘗寧居東

至于海登丸山

集解徐廣曰丸一作凡駟案地理志曰丸山在琅邪朱虛縣索隱凡音扶嚴反

正義丸音桓括地志云丸山即丹山在青州臨朐縣界朱虛故縣西北二十里丹水出焉丸音紂守節按地志唯有凡山蓋凡山丸山是一山耳諸處字誤或丸或凡也漢書郊祀志云禪丸山顏師古云在朱虛亦與括地志相合明及岱宗

正義泰山東岳也在兗州博城縣西北三十里也

西至于空

桐集解應劭曰山名

登雞頭

索隱山名也後漢王孟塞雞頭道在隴西一曰崆峒

山之別名正義括地志云空桐山在肅州福祿縣東南六十里抱朴子內篇云黃帝西見中黃子受九品之方

過空桐從廣成子受自然之經即此山括地志又云筭頭山一名崆峒山在原州平陽縣西百里禹貢涇水所

出輿地志云或即雞頭山也酈元云蓋大隴山異名也莊子云廣成子學道崆峒山黃帝問道於廣成子蓋在

此按二處崆峒皆云黃帝登之未詳孰是

南至于江登熊湘

集解駉案封禪書曰南伐至于

召陵登熊山地理志曰湘山在長沙益陽縣正義括地志云熊耳山在商州上洛縣西十里齊桓公登之以望

江漢也湘山一名舩山在岳州巴陵縣南十八里也

北逐葷粥

集解匈奴傳曰唐虞以上有山戎獫狁

葷粥居于北蠻索隱匈奴別名也唐虞已上曰山戎亦曰熏粥夏曰淳維殷曰鬼方周曰玁狁漢曰匈奴正

義葦音薰
粥音育

合符釜山

索隱合諸侯符契圭瑞而朝之於釜山猶禹會諸侯於塗山然也又

按郭子橫洞冥記稱東方朔云東海大明之墟有釜山山出瑞雲應王者之符命如堯時有赤雲之祥之類蓋

黃帝黃雲之瑞故曰合符應於釜山也正義括地而邑志云釜山在媯州懷戎縣北三里山上有舜廟

于涿鹿之阿

正義廣平曰阿涿鹿山名已見上涿鹿故城在山下即黃帝所都之邑于山下平地

遷徙往來無常處以師兵為營衛

正義環繞軍兵為營以自衛若轅門即其

遺官名皆以雲命為雲師

集解應劭曰黃帝受命有雲瑞故以雲紀事也春官為青

雲夏官為緡雲秋官為白雲冬官為黑雲中官為黃雲張晏曰黃帝有景雲之應因以名師與官

置左

右大監監于萬國

正義監上監去聲下監平聲若周邵分陝也

萬國和而鬼

神山川封禪與為多焉

集解徐廣曰多一作朋索隱與音羊汝反與猶許也言萬國和

同而鬼神山川封禪祭祀之事自古以來帝王之中推許黃帝以為多多猶大也

獲寶鼎迎日

推策

集解晉灼曰策數也迎數之也璣曰日月朔望未來而推之故曰迎日索隱封禪書曰黃帝得寶鼎

神策下云於是推策迎日則神策者神著也黃帝得著以推算歷數於是逆知節氣日辰之將來故曰推策迎日也正義策音策迎逆也黃帝受神

舉風后力牧常先

策命大撓造甲子容成造歷是也

大鴻以治民

集解鄭玄曰風后黃帝三公也班固曰力牧黃帝相也大鴻見封禪書正義舉任用

四人皆帝臣也帝王世紀云黃帝夢大風吹天下之塵垢皆去又夢人執千鈞之弩驅羊萬羣帝寤而嘆曰風為號令執政者也垢去土后在也天下豈有姓風名后者哉夫千鈞之弩異力者也驅羊數萬羣能牧民為善

者也天下豈有姓名牧者也於是依二占而求之得風后於海隅登以為相得力牧於大澤進以為將黃帝因著占夢經十一卷藝文志云風后兵法十三篇圖三卷孤虛二十卷力牧兵法十五篇鄭玄云風后黃帝之三公也按黃帝仰天地置列侯衆官以風后配上台天老配中台五聖配下台謂之三公也封禪書云鬼臿區號大鴻黃帝大臣也死葬雍故鴻冢

順天地之紀

正義言黃

是藝文志云鬼容區兵法三篇也

幽明之占

正義幽陰明陽也占數也言陰陽五行黃帝占數而知之

帝順天地陰陽四時之紀也

此文見大戴禮

死生之說

集解徐廣曰一云幽明之數合死生之說正義謂儀制也民之死生此謂

作儀制禮則之說

存亡之難

索隱存亡猶安危也易曰危者安其位亡者保其存是也難猶說也

凡事是非未盡假以往來之詞則曰難又上文有死生之說故此云存亡之難所以韓非著書有說林說難也

正義難音乃憚反存亡猶生死也黃帝之前未有衣裳屋宇及黃帝造屋宇制衣服營殯葬萬民故免存亡之

難時播百穀草木

集解王肅曰時是也索隱為一句正義言順四時之所宜而布種百穀草

木也淳化鳥獸蟲蛾

索隱為一句蛾音牛綺反一作旁旁言淳化廣被及之正義蛾音魚起反

又音旁旁音直氏反蟻虬虬也爾雅曰有足曰虫無足曰旁

旁羅日月星辰水波

集解

徐廣曰一作沃土石金玉

索隱旁非一方羅廣布也今按大戴禮作歷離離即羅也言帝德旁羅日

月星辰水波及至土石金玉謂日月揚光海水不波山不藏珍皆是帝德廣被也正義旁羅猶徧布也日月陰

陽時節也星二十八宿也辰日月所會也水波瀾漪也言天不異災土無別害水少波浪山出珍寶

勞勤

心力耳目節用水火材物

正義節時節也水陂障決洩也火山野禁放也材木也物

事也言黃帝教民江湖陂澤山林原隰皆收採禁捕以時用之有節令得其利也

有土德之瑞

故號黃帝

索隱炎帝火黃帝土代之即黃龍地螾見是也螾土精大五六圍長十餘丈螾音引正義

螾音以

黃帝二十五子其得姓者十四人

索隱舊解破

刀反

姓十三人耳今按國語胥臣云黃帝之子二十五宗其得姓者十四人為十二姓姬酉祁已滕箴任荀僖姁嫫依是也唯青陽與夷鼓同已姓又云青陽與蒼林為姬姓是則十四人為十二姓其文甚明唯姬姓再稱青陽與蒼林蓋國語文誤所以致令前儒共疑其姬姓青陽當為玄囂是帝嚳祖本與黃帝同姬姓其國語上文青陽即是少昊金天氏為已姓者耳既理在不疑無煩破四為三正義僖音力其反姁音其吉反嫫音在宣反

黃帝居軒轅之丘

集解皇甫謐曰受國於有熊居軒轅之丘故因以為名又以為號山海經

曰在窮山之際西射之南張晏
曰作軒冕之服故謂之軒轅

而娶於西陵之女

正義西陵

國名也

是為嫫祖

集解徐廣曰祖一作嫫嫫力追反索隱一曰雷祖音力堆反正義一作嫫

嫫

祖為黃帝正妃

索隱按皇帝立四妃象后妃四星皇甫謐云元妃西陵氏女曰嫫祖生昌意次

妃方雷氏女曰女節生青陽次妃彤魚氏女生夷鼓一名蒼林次妃嫫母班在三人之下按國語夷鼓蒼林是二人又按漢書古今人表彤魚氏生夷鼓嫫母生蒼林不得如謐所說

生二子其後皆有

天下其一曰玄囂是為青陽

集解駉案太史公乃據大戴禮以嫫祖生昌意及玄

囂玄囂即青陽也皇甫謐以青陽為少昊乃方雷氏所生是其所見異也索隱玄囂帝嚳之祖按皇甫謐及宋表皆云玄囂青陽即少昊也今此紀下云玄囂不得在帝位則太史公意青陽非少昊明矣而此又云玄囂是

為青陽當是誤也謂二人皆黃帝子並列其名所以前史因誤以玄囂青陽為一人耳宋衷又云玄囂青陽是為少昊繼黃帝立者而史不敘蓋少昊金德王非五運之次故敘五帝不數之也

青陽降居江

水其二曰昌意降居若水

索隱降下也言帝子為諸侯降居江水江水若水皆在蜀

即所封國也水經曰水出旄牛徼外東南至故關為若水南過邛都又東北至朱提縣為瀘江水是蜀有此二水也正義括地志云安陽故城在豫州新息縣西南八十里應劭云古江國也地理志亦云安陽古江國也

昌意娶蜀山氏女曰昌僕生高陽高陽有聖德焉

正義華陽

國志及十三州志云蜀之先肇於人皇之際黃帝為子昌意娶蜀山氏後子孫因封焉帝顓頊高陽氏黃帝之孫昌意之子母曰昌僕亦謂之女樞河圖云瑤光如蜺貫月正白感女樞於幽房之宮生顓頊首戴干戈有德

文
也黃帝崩

集解皇甫謐曰在位百年而崩年百一十一歲索隱按大戴禮宰我問孔子曰榮伊言黃

帝三百年請問黃帝何人也抑非人也何以至三百年乎對曰生而人得其利百年死而人畏其神百年亡而人用其教百年則士安之說略可憑矣正義列仙傳云軒轅自擇亡日與羣臣辭還葬橋山山崩棺空唯有劍

鳥在葬橋山

集解駟案皇覽曰黃帝冢在上郡陽周縣山有黃帝

冢也正義括地志云黃帝陵在寧州羅川縣東八十里子午山地理志云上郡陽周縣橋山南有黃帝冢按陽

周隋改為羅川爾雅

其孫昌意之子高陽立是為帝顓

頊也

帝顓頊高陽者

集解皇甫謐曰都帝丘今東郡濮陽是也索隱宋忠云顓頊名高陽有天下號

也張晏曰高陽者所興地名也黃帝之孫而昌意之子也靜淵以有謀

疏通而知事養材以任地

索隱言能養材物以任地大戴禮作養財

載時以

象天

索隱載行也言行四時以象天履亦踐而行也

依鬼神以制

義

索隱鬼神聰明正直當盡心敬事因制尊卑之義故禮曰降於祖廟之謂仁義是也正義鬼之靈者曰神

也鬼神謂山川之神也能興雲致雨潤養萬物也故已依憑之制義也制古制字

治氣以教化

索隱謂理四時五行之氣以教化萬人也

絜誠以祭祀北至于幽陵

正義幽州也

南至于交趾

正義趾音止交州也

西至于流沙

集解地理志曰流沙在張掖居延縣

正義濟渡也括地志云居延海南甘州張掖縣東北千六十四里是

東至于蟠木

集解案海外

經曰東海中有山焉名曰度索上有大桃樹屈蟠三千里東北有門名曰鬼門萬鬼所聚也天帝使神人守之

一名鬱壘主閱領萬鬼若害人之鬼以葦索縛之射以桃弧投虎食也

動靜之物

正義動物謂鳥

獸之類靜物謂草木之類

小大之神

正義大謂五嶽四瀆小謂邱陵墳衍

日月所照莫

不砥屬

集解王肅曰砥平也四遠皆平而來服屬索隱依王肅音止屬據大戴禮作砥礪也

帝顓

項生子曰窮蟬

索隱系本作窮係宋衷云一云窮係諡也正義帝舜之高祖也

顓項崩

集解皇甫謐曰在位七十八年年九十八皇覽曰顓項

冢在東郡濮陽頓丘城門外廣陽里中頓丘者城門名

頓丘道索隱皇甫謐云據左氏歲在鶉火而崩葬東而郡又山海經曰顓項葬鮒魚山之陽九嶺葬其陰也

玄囂之孫高辛立是為帝嚳

帝嚳高辛者

集解張晏曰少昊之前天下之號象其德顓頊以來天下之號因其名高陽高辛皆

所興之地名顓頊與嚳皆以字為號上古質故也索隱宋衷曰高辛地名因以為號嚳名也皇甫謐云帝嚳名

爰也正義帝王紀云偁母無聞焉

黃帝之曾孫也高辛父曰蟜極

正義蟜音

居兆反本作橋音同又巨遙反帝堯之祖也

蟜極父曰玄囂玄囂父曰黃帝

自玄囂與蟜極皆不得在位至高辛即帝位

集解皇甫謐曰都毫

今河南偃師是

高辛於顓頊為族子高辛生而神靈自言其名

正義帝王紀云帝偁高辛姬姓也其母生見其神異自言其名曰爰囂囂有德年十五而佐顓頊三十登位都

毫以人事紀官也

普施利物不於其身聰以知遠明以察微順

天之義知民之急仁而威惠而信脩身而天下服取地

之財而節用之撫教萬民而利誨之厯日月而迎送之

正義言作厯弦望晦朔日月未至而迎之過而送之上迎日推策是也

明鬼神而敬事之

正義天神曰神人神曰鬼又云聖人之精氣謂之神賢人之精氣謂之鬼言明識鬼神而敬事也

其色

郁郁其德嶷嶷

索隱嶷嶷今按大戴禮郁作穆嶷作侯

其動也

時其服也士

索隱舉動應天時衣服士服言其公且廉也

帝嚳漑執中而徧

天下

集解徐廣曰古既字作水旁徧字一作尹索隱即尚書允執厥中是也正義漑音既言帝嚳治民若

水之漑灌平等而執中正過於天下也

日月所照風雨所至莫不從服

正義

以上大戴禮文也

帝嚳娶陳鋒氏女

正義鋒音峯又作豐帝王紀云帝嚳有四妃卜其子

皆有天下元妃有郅氏女曰姜嫄生后稷次妃有娥氏女曰簡狄生禹次妃陳豐氏女曰慶都生放勳次妃姬

訾氏女曰常儀生帝摯也

生放勳

正義放音方徃反勳亦作勳音許云反言堯能放上代之功故曰放

勳謚堯姓伊祁氏帝紀云帝堯陶唐氏祁姓也母慶都十四月生堯

娶姬訾氏女生摯

索隱

案皇甫謐云女名常儀也

帝嚳崩

集解皇甫謐曰在位七十年年百五歲皇

正義姬足須反訾紫移反

覽曰帝嚳家在東郡濮陽頓丘城南臺陰野中

而摯代立帝摯立不善崩

索隱古本

作不著音張慮反俗本作不善不善謂微弱不著猶不著明衛宏云摯立九年而唐侯德盛因禪位焉正義帝

王紀云帝摯之母於四人中班最在下而摯於兄弟最長得登帝位封異母弟放勳為唐侯摯在位九年政微

弱而唐侯德盛諸侯歸之摯服其義乃率羣臣造唐而致禪唐侯自知有天命乃受帝禪乃封摯於高辛今定州唐縣也而弟放勳立是為帝堯

帝堯者

集解駟案諡法曰翼善傳聖曰堯索隱堯諡也放勳名帝嚳之子姓伊祁氏案皇甫謐云堯初

生時其母在三阿之南寄於伊長孺之家故從母所居為姓也正義徐廣云號陶唐帝王紀云堯都平陽於詩為唐國徐才宗國都城記云唐國帝堯之裔子所封其北帝夏禹都漢曰太原郡在古冀州太行恒山之西其南有晉水括地志云今晉州所理平陽故城是也平陽河水一名晉水也放勳集解徐廣曰謚曰堯以甲申歲生甲辰即帝位甲午徵舜甲寅其仁舜代行天子事辛巳崩年百十八在位九十八年其仁如天索隱如天其知如神索隱如神就之如日索隱如天之涵養也其知如神之微妙也就之如日之照

臨人咸依就之若葵藿傾心以向日也

望之如雲

索隱如雲之覆渥言德化廣大而浸潤生人人

咸仰望之故曰如百穀之仰膏雨也

富而不驕貴而不舒

索隱舒猶慢也大戴禮作不豫

黃收純衣

集解徐廣曰純一作絞駟案太古冠冕圖云夏名冕曰收禮記曰野夫黃冠鄭玄曰純衣

士之祭服索隱收冕名其色黃故曰黃收象古質素也純讀曰緇

彤車乘白馬能明馴

德

集解徐廣曰馴古訓字索隱史記馴字徐廣皆讀曰訓訓順也言聖德能順人也案尚書作俊德孔安國

云能明用俊德之士與此文意別也

以親九族九族既睦便章百姓

集解徐廣

曰下云便程東作然則訓平為便也駟案尚書並作平字孔安國曰百姓百官鄭玄曰百姓羣臣之父兄弟

索隱古文尚書作平此文蓋讀平為浦耕反平既訓便因作便章其今文作辯章古平字亦作便音婢緣反便

則訓辯遂為辯章
鄒誕生本亦同也

百姓昭明合和萬國乃命羲和

集解孔安

國曰重黎之後羲和氏世掌天地之官正義呂刑傳
云重即義黎即和雖別為氏族而出自重黎也按聖人

不獨治必須賢輔乃命相天地敬順昊天

正義敬猶恭勤也元氣昊

然廣大故云昊天釋天云春為蒼天夏為昊天秋為昊天
冬為上天而獨言昊天者以堯能敬天大故以昊天

言數法日月星辰

正義歷數之法日之甲乙月之大小昏明遞中之星日月所會之辰定其

天數以為敬授民時

索隱尚書作歷象日月則此言數法是訓歷象二字謂命羲和以歷

數之法觀察日月星辰之早晚以敬授人時也正義尚
書考靈耀云主春者張昏中可以種稷主夏者火昏中
可以種黍菽主秋者虛昏中可以種麥主冬者昴昏中
可以收斂也天子視四星之中知民緩急故云敬授民

時分命義仲居郁夷曰暘谷

集解駟案尚書作嵎夷孔安國曰東表之地稱嵎夷

日出於暘谷義仲治東方之官索隱史記舊本作湯谷今並依尚書字案淮南子曰日出湯谷浴於咸池則湯

谷亦有他證明矣又下曰昧谷徐廣云一作柳柳亦日入處地名太史公博採經記而為此史廣記異聞不必

皆依尚書蓋郁夷亦地之別名也正義郁音隅陽或作暘禹貢青州云嵎夷既略按嵎夷青州也堯命義仲理

東方青州嵎夷之地日所出處名曰陽明敬道日出便之谷義仲主東方之官若周禮春官卿

程東作

集解孔安國曰敬道出日平均次序東作之事以務農也索隱劉伯莊傳皆依古史作平秩音

然尚書大傳曰辨秩東作則是訓秩為程言便課其作程者也正義道音導便程並如字後同導訓也三春主

東故言日出耕作在春故言東作命義仲恭勤道訓萬民東作之事使有程期日中星鳥以殷

中春

集解孔安國曰日中謂春分之日也鳥南方朱鳥七宿也殷正也春分之昏鳥星畢見以正仲春之

氣節轉以推孟季則可知也正義下中音仲夏秋冬並同

其民析鳥獸字微

集解孔安國曰

春事既起丁壯就功言其民老壯分析也乳化曰字尚書微作尾字說文云尾交接也

申命義叔

居南交

集解孔安國曰夏與春交此治南方之官也索隱孔註未是然則冬與秋交何故下無其文且

東嶠夷西昧谷北幽都三方皆言地而夏獨不言地乃云與春交斯不例之甚也然南方地有名交趾者或古

文略舉一字名地南交則是交趾不疑也便程南為敬正義義叔主南方之官若周禮夏官卿也

致集解孔安國曰為化也平序分南方化育之事敬行其教以致其功也索隱為依字讀春言東作夏言南

為皆是耕作營為勸農之事孔安國強讀為訛字雖則訓化解釋亦甚紆回也正義譌音于偽反命義叔宜恭

勤民事致其種殖使有程期也

日永星火以正中夏

集解孔安國曰永長也謂夏至之日

火蒼龍之中星舉中則七星見可知也以正中夏之節馬融王肅謂日長晝漏六十刻鄭玄曰五十五刻

其

民因鳥獸希革

集解孔安國曰因謂老弱因就在田之丁壯以助農也夏時鳥獸毛羽希少改

易也革改也

申命和仲居西土

集解徐廣曰一無土字以為西者今天水之西縣也駟案

鄭玄曰西者隴西之西今人謂之兌山

曰昧谷

集解徐廣曰一作柳谷駟案孔安國曰日入于谷而

天下冥故曰昧谷此居治西方之官掌秋天之政也正義和仲主西方之官若周禮秋官卿也

敬道日

入便程西成

集解孔安國曰秋西方萬物成也

夜中星虛以正中

秋

孔安國曰春言日秋言夜互相備也虛玄武之中星亦言七星皆以秋分日見以正三秋也索隱虛舊依字讀

而鄒誕生音墟案虛星其民夷易鳥獸毛毼

集解孔安國曰夷平

也老壯者在田與夏平也

申命和叔居北方曰幽都

集解

孔安國曰北稱幽都謂所聚也索隱案山海經曰北海之內有山名幽都蓋是也正義按北方幽州陰聚之地

命和叔居理之北方便在伏物

索隱使和叔察北方藏伏之物謂人畜積聚等

冬皆藏伏尸子亦曰北方者伏方也尚書作平在朔易今案大傳云便在伏物太史公據之而書

日短

星昴以正中冬

集解孔安國曰日短冬至之日也昴白虎之中星亦以七星並見以正冬節也

馬融王肅謂日短晝漏四

其民燠鳥獸毼毛

集解徐廣曰毼音茸

駟案孔安國曰民入室處鳥歲三百六十六日以閏月

獸皆生毼毼細毛以自溫也

正四時

索隱夫周天三百六十五度四分度之一是天度數也而日行遲一歲一周天月行疾一月一

周天日一日行一度月一日行十三度十九分度之七至二十九日半彊月行天一匝又遼及日而與會一年

十二會是為十二月每月二十九日過半年分出小月六

是每歲餘六日又大歲三百六十六日小歲三百六十五日舉全數云六十六日其實一歲唯餘十一日弱

未滿三歲已成一月則置閏若三年不置閏則正月為二月九年差三月則以春為夏十七年差六月則四時

皆反以此四時不正歲不成矣故傳曰歸餘於終事則不悖

信飭百官

集解徐廣曰古勅字

衆功皆興堯曰誰可順此事

正義言將登用之嗣位也放齊曰嗣子丹朱開明

集解孔安國曰放齊臣名正義放音

方徃反鄭玄云帝堯胤嗣之子名曰丹朱開明也按開解而達也帝王紀云堯娶散宜氏女曰女皇生丹朱汲

冢紀年云后稷放帝子丹朱范汪荊州記云丹水縣在丹川堯子朱之所封也括地志云丹水故城在鄧州內

鄉縣西南百三十里丹水故為縣

堯曰吁頑凶不用

集解孔安國曰吁疑怪之辭正義左

傳云口不道忠信之言為嚚心不則德義之經為頑凶訟也言丹朱心既頑嚚又好爭訟不可用之

堯又

曰誰可者謹堯曰共工旁聚布功可用

集解孔安國曰謹堯臣名鄭玄

曰共工水官名正義堯音斗侯反

堯曰共工善言其用僻似恭漫天不

可

正義漫音莫干反共工善為言語用意邪僻也似於恭敬罪惡漫天不可用也

堯又曰嗟四

嶽

集解鄭玄曰四嶽四時官主方嶽之事正義嗟嘆鴻水問四嶽誰能理也孔安國云四嶽即上義和四子

也分掌四嶽之諸侯故稱焉

湯湯洪水滔天浩浩懷山襄陵

集解孔安國曰

懷包裏上也正義湯音商今讀如字蕩蕩廣平之貌言水奔突有所滌除地上之物為水漂流蕩蕩然按懷藏包裏之義故懷為包釋言以裏為駕駕乘牛馬皆在上也言水裏上乘陵浩浩盛大勢若漫天下民其

憂有能使治者皆曰鯀可

集解馬融曰鯀臣名禹父

堯曰鯀負命毀

族不可

正義負音佩依字通負違也族類也鯀性狠戾違負教命毀敗善類不可用也詩云貪人敗類

也

獄曰異哉試不可用而已

正義異音異孔安國云異已也退也言餘人盡已唯

鯀可試無

堯於是聽獄用鯀九載功用不成

正義爾雅釋天云載

成乃退

歲也夏曰祀周曰年唐虞曰載李巡云各自紀事不相襲也孫炎云歲取星行一次也祀取四時祭祀一訖也年取年穀一熟也載取萬物始更終也載者年之別名故以載為年也按功用不成水害不息故放退也至明

年得舜乃殛之羽山而用其子禹也堯曰嗟四嶽朕在位七十載汝能庸

命踐朕位

集解鄭玄曰言汝諸侯之中有能順事用天命者入處我位統治天子之事者乎正義孔

安國云堯年十六以唐侯升為天子在位七十載時八十六老將求代也嶽應曰鄙德忝帝

位

正義四嶽皆云鄙里無德若便行天子事是辱帝位言己等不堪也

堯曰悉舉貴戚及

疏遠隱匿者衆皆言於堯曰有矜在民間曰虞舜

集解孔安

國曰無妻曰矜正義矜古頑反

堯曰然朕聞之其何如嶽曰盲者子父

頑母嚚弟傲能以孝烝烝治不至姦

集解孔安國曰不至於姦惡正

義烝之升反進也言父頑母嚚弟傲舜皆和以孝進之於善不至於姦惡也

堯曰吾其試哉

正義欲以二女試舜
觀其理家之道也

於是堯妻之二女

正義妻音七計反二女娥皇女

英也娥皇無子女英生商均舜
升天子娥皇為后女英為妃

觀其德於二女

正義視其為德

行於二女以理
家而觀國也

舜飭下二女於嬀汭

集解孔安國曰舜所居嬀水之汭索

隱列女傳云二女長曰娥皇次曰女英系本作女瑩大
戴禮作女匭皇甫謐云嬀水在河東虞縣歷山西汭水

汭也猶洛汭渭汭然也正義飭音勅下音胡亞反汭音
芮舜能整齊二女以義理下二女之心於嬀汭使行婦

道於虞氏也括地志云嬀源汭水出蒲州河東南山許
慎云水汭曰汭按地記云河東郡青山東山中有二泉

下南流者嬀水北流者汭水二水異原合流出谷西注
河嬀水北曰汭也又云河東縣二里故蒲坂城舜所都

也城中有舜廟城外
有舜宅及二妃壇

如婦禮堯善之乃使舜慎和五典

集解鄭玄曰五典五教也蓋試以司徒之職

五典能從乃徧入百官百官時

序賓於四門四門穆穆諸侯遠方賓客皆敬

集解馬融曰四門四

方之門諸侯羣臣朝者舜賓迎之皆有美德也

堯使舜入山林川澤暴風雷雨

舜行不迷

索隱尚書云納于大麓穀梁傳云林屬於山曰麓是山足曰麓故此以為入山林不迷孔

氏以麓訓錄言令舜大錄萬機之政與此不同

堯以為聖召舜曰女謀事至而

言可績三年矣

集解鄭玄曰三年者賓四門之後三年也

女登帝位舜讓於

德不懌

集解徐廣曰音亦今文尚書作不怡怡懌也索隱古文作不嗣今文作不怡怡即懌也謂辭讓

於德不堪所以心意不悅懌也

正月上日

集解馬融曰上日朔日也正義鄭玄云帝王易代莫不改

正建朔舜正建子此時未
改故依堯正月上日也

舜受終於文祖文祖者堯大

祖也

集解鄭玄曰文祖者五府之大名猶周之明堂索
隱尚書帝命驗曰五府五帝之廟蒼曰靈府赤曰

文祖黃曰神斗白曰顯紀黑曰玄矩正義舜受堯終帝
之事於文祖也尚書帝命驗云帝者承天立府以尊天
重象也五府者唐虞謂之五府夏謂之世室殷謂之重
屋周謂之明堂皆祀五帝之所也文祖者赤帝熒怒之
府名曰文祖火精光明文章之祖故謂之文祖周曰明
堂神斗者黃帝含樞紐之府名曰神斗斗主也土精澄
靜四行之主故謂之神斗周曰太室顯紀者白帝招拒
之府名顯紀紀法也金精斷割萬物故謂之顯紀周曰
總章玄矩者黑帝汁光紀之府名曰玄矩矩法也水精
玄昧能權輕重故謂之玄矩周曰玄堂靈府者蒼帝靈
威仰之府名曰
靈府周曰青陽於是帝堯老命舜攝行天子之政以觀

天命舜乃在璿璣玉衡以齊七政

集解鄭玄曰璿璣玉衡渾天儀也七政日月五星也正義說文云璿美玉也按舜雖受堯命猶不自安更以璿璣玉衡以正天文璣為運轉衡為橫簫運璣使動於下以衡望之是王者正天文器也觀其齊與不齊今七政齊則已受禪為是蔡邕云玉衡長八尺孔徑一寸下端望之以視星宿蓋縣璣以象天而以衡望之轉璣窺衡以知星宿璣徑八尺圓周二尺五寸而強也鄭玄云運轉者為璣持正者為衡尚書大傳云政者齊中也謂春秋冬夏天文地理人道所以為政也道正而萬事順成故

遂類於上帝

集解鄭玄曰禮祭上帝於圓丘正義五經異義云非

天道政之大也

時祭天謂之類言以事類告也時舜告攝非常祭也王制云天子將出類于上帝鄭玄云昊天上帝謂天皇大帝北辰

之星

禋于六宗

集解鄭玄曰六宗星辰司中司命風師雨師也駟案六宗義衆矣愚謂鄭

說為長正義周語云精意以享曰禋也孫炎云禋潔敬之祭也按星五星緯也辰日月所會十二次也司中司命文昌第五第四星也風師箕星也雨師畢星也孔安國云四時寒暑也日月星也水旱也禮祭法云埋少牢於大昭祭時也禋祈於坎壇祭寒暑也王宮祭日也夜明祭月也幽禋祭星也雩禋祭水旱也司馬彪續漢書云安帝立六宗祀於洛陽城西北亥地禮比大社魏因之至晉初荀顗言新祀以六宗之神諸家說不同乃廢之

望于山川

正義望者遙望而祭山川也山川辯於羣五嶽四瀆也爾雅云梁山晉望也

神

集解徐廣曰辯音班駟案鄭玄曰羣神若丘陵墳衍正義辯音遍謂祭羣神也

輯五瑞擇吉

月日見四嶽諸牧班瑞

集解馬融曰輯斂也五瑞公侯伯子男所執以為瑞信也堯將

禪舜使羣牧斂之使舜親往班之正義揖音集周禮典瑞云王執鎮圭尺二寸公執桓圭九寸侯執信圭七寸

伯執躬圭五寸子執穀璧男執蒲璧皆五寸言五瑞者王不在中也孔文祥云宋末會稽脩禹廟於廟庭山土中得五等圭璧百餘枚形與周禮同皆短小此即禹會諸侯於會稽執以禮山神而埋之其璧今猶有在也

歲二月東巡狩至於岱宗柴

集解馬融曰舜受終後五年之二月鄭玄曰建卯之

月也柴祭東嶽者考績柴燎也正義按既班瑞羣后即東巡者守土之諸侯會岱宗之嶽焚柴告至也王者巡狩以諸侯自專一國威福任已恐其壅遏上命澤不下流故巡行問人病苦也風俗通云太山之尊者一曰岱宗始也長也萬物之始陰陽交代故為五岳之長也按二月仲月也仲中也言得其中也望秩於山川正義乃以秩望祭東方諸侯境內之名山遂見東方大川也言秩者五岳視三公四瀆視諸侯

君長合時月正日

集解鄭玄曰協正四時之月數及日名備有失悞正義既見東方君長乃

合同四時氣節月之大小日之甲乙使齊一也周禮太史掌正歲年以序事頒正朔於邦國則節氣晦朔皆天子頒之猶恐諸侯國異或

同律度量衡

集解鄭玄曰同音律度丈尺量

斗斛衡斤兩也正義律之十二律度之丈尺量之斗斛衡之斤兩皆使天下相同無制度長短輕重異也漢律歷志虞書云同律度量衡所以齊遠近立民信也律有十二陽六為律陰六為呂律以統氣類物一曰黃鍾二曰太簇三曰姑洗四曰蕤賓五曰夷則六曰無射呂以旅陽宣氣一曰林鍾二曰南呂三曰應鍾四曰大呂五曰夾鍾六曰中呂度者分寸尺丈引也所以度長短也本起黃鍾之長以子穀秬黍中者一黍之起積千二百黍之廣度之九十分一為一分十分為寸十寸為尺十尺為丈十丈為引而五度審矣量者龠合升斗斛也所以量多少也本起黃鍾之龠以子穀秬黍中者千有二百實為一龠合龠為合十合為升十升為斗十斗為斛

而五量嘉矣衡權者銖兩斤鈞石也所以秤物輕重也
本起於黃鍾之重一龠容千二百黍重十二銖二十四

銖為兩十六兩為斤三十斤為鈞四脩五禮集解馬融曰吉凶賓

鈞為石而五權謹矣衡平也權重也

軍嘉也正義周禮以吉禮事邦國之鬼神祇以凶禮哀
邦國之憂以賓禮親邦國以軍禮同邦國以嘉禮親萬

民也尚書堯典云類于上帝吉禮也如喪考妣凶禮也
羣后四朝賓禮也大禹謨云汝徂征軍禮也堯典云女

于時嘉禮也五玉集解鄭玄曰即五瑞也三帛集解馬融曰三

女音女應反

孤所執也鄭玄曰帛所以薦玉也必三者高陽氏後用
赤繒高辛氏後用黑繒其餘諸侯皆用白繒正義孔安

國云諸侯世子執纁公之孤執玄附庸之君執黃也按
三統紀推伏羲為天統色尚赤神農為地統色尚黑黃

帝為人統色尚白少昊黃帝子亦尚白故二生正義焦

高陽氏為天統亦尚赤堯為人統故用白鴈也鄭

玄注周禮大宗伯云羔小羊也取其羣不失其類也鴈取其候時而行也卿執羔大夫執鴈按羔鴈性馴可生

贄為一死

正義雉也馬融云一死雉士所執也按雉不
可生為勢故死雉取其守介死不失節也

為

執手

集解馬融曰摯二生羔鴈卿大夫所執一死雉士所執正義摯音至摯執也鄭玄云摯之言至所以自致

也韋昭云贄六執孤執皮帛卿執羔大夫
執鴈士執雉庶人執鶩工商執雞也

如五噐卒乃復

解集

馬融曰五器上五玉五玉禮終則還之三帛已下不還也正義卒音子律反復音伏

五月南巡狩

八月西巡狩十一月北巡狩皆如初歸至于祖禰廟

義

禰音乃禮反何休云生曰父死曰考廟曰禰

用特牛禮五歲一巡狩羣后四

朝

集解鄭玄曰巡狩之年諸侯見於方嶽之下其間四年四方諸侯分來朝於京師也

徧告以言

正義徧音遍言徧告天子治理之言也

明試以功車服以庸

正義孔安國云功成則錫

車服以表顯其能用也

肇十有二州決川

集解馬融曰禹平水土置九州舜以冀州之北

廣大分置并州燕齊遼遠分燕置幽州分齊為營州於是為十二州也鄭玄曰更為之定界濬水害也

象

以典刑

集解馬融曰言咎繇制五常之刑無犯之者但其象無其人也正義孔安國云象法也法用

常刑用不越法也

流宥五刑

集解馬融曰流放宥寬也一曰幼少二曰老耄三曰蠢愚五刑墨劓

荆宮大辟正義孔安國云以流放之法寬五刑也鄭玄云三宥一曰弗識二曰過失三曰遺忘也

鞭作

官刑

集解馬融曰為辨治官事者為刑

扑作教刑

集解鄭玄曰扑撻楚也扑為教官為刑者

金作贖刑

集解馬融曰金黃金也意善功惡使出金贖罪坐不戒慎者

眚裁過赦

集解



鄭玄曰青哉為人作患害怙終

集解徐廣曰一作衆賊刑玄曰怙

其姦邪終身以為殘賊則用刑之

欽哉欽哉惟刑之靜哉

集解徐廣曰今文云惟刑

之謚哉爾雅曰謚靜也索隱案古文作恤哉且今文是伏生口誦卹謚聲近遂作謚也

謹兜進言

共工

正義謹兜渾沌也共工窮奇也鯀檮杌也三苗饕餮也左傳云舜臣堯流四凶投諸四裔以禦魑魅

也堯曰不可而試之工師

正義工師若今大匠卿也

共工果淫辟

正義

正亦反

四嶽舉鯀治鴻水堯以為不可嶽彊請試之試之

而無功故百姓不便三苗在江淮荊州

集解馬融曰三苗國名也正義

左傳云自古諸侯不用王命虞有三苗夏有觀扈孔安國云緡雲氏之後為諸侯號饕餮也吳起云三苗之國

左洞庭而右彭蠡按洞庭湖名在岳州巴陵西南一里南與青草湖連彭蠡湖名在江州潯陽縣東南五十二里以天子在北故洞庭在西為左彭蠡在東為右今江州鄂州岳州三苗之地也淮讀曰滙音胡罪反今彭蠡湖也本屬荊州尚書云南入數為亂於是舜歸而言於于江東滙澤為彭蠡是也

帝請流共工于幽陵

集解馬融曰幽陵北裔也正義尚書及大戴禮皆作幽州括地志云

故冀城在檀州燕樂縣界故老傳云舜流共工幽州居此城神異經云西北荒有人焉人面朱髯蛇身人手足而食五穀禽獸以變北狄集解徐廣曰變一作變索隱變謂變其形及衣服同於夷頑愚名曰共工

狄也徐廣云作變變和也正義言四凶流四裔各於四夷放共工等為中國之風俗也

放驩兜於

崇山

集解馬融曰崇山南裔也正義神異經云南方荒中有人焉人面鳥喙而有翼兩手足扶翼而行食

海中魚為人很惡不畏風雨以變南蠻遷三苗於三危禽獸犯死乃休名曰謹兜也

集解馬融曰三危西裔也正義括地志云三危山有峰故曰三危俗亦名卑羽山在沙州燉煌縣東南三十里

神異經云西荒中有人焉面目手足皆人形而胫下有翼不能飛為人饕餮淫逸無理名曰苗民又山海經云

大荒北經黑水之北有以變西戎殛鯀於羽山集解馬融曰殛

誅也羽山東裔也正義殛音紀力反孔安國云殛竄放流皆誅也括地志云羽山在沂州臨沂縣界神異經云

東方有人焉人形而身多毛自解水土知以變東夷四通塞為人自用欲為欲息皆曰云是鯀也

皋而天下咸服堯立七十年得舜二十年而老令舜攝

行天子之政薦之於天堯辟位凡二十八年而崩集解徐廣

曰堯在位凡九十八年駟案皇覽曰堯冢在濟陰城陽
劉向曰堯葬濟陰丘壠皆小呂氏春秋曰堯葬穀林皇甫謐
謚曰穀林即城陽堯都平陽於詩為唐國正義皇甫謐
云堯即位九十八年通彛攝二十八年也凡年百一十
七歲孔安國云堯壽百一十六歲括地志云堯陵在濮
州雷澤縣西三里郭緣生述征記云城陽縣東有堯冢
亦曰堯陵有碑是也括地志
云雷澤縣本漢城陽縣也

百姓悲哀如喪父母三年

四方莫舉樂

正義尚書三載四

以思堯堯知子丹朱之

不肖不足授天下

索隱鄭玄曰肖似也不似言不如人也皇甫謐云堯娶散宜氏之女曰女

索隱父子繼立常道也求賢而禪權道也

皇生丹朱又有庶子九人皆不肖也

於是乃權授舜

索隱父子繼立常道也求賢而禪權道也

權者反常而合道正義五帝官
天下老則禪賢故權試舜也

授舜則天下得其利而

丹朱病授丹朱則天下病而丹朱得其利堯曰終不以

天下之病而利一人而卒授舜以天下堯崩三年之喪

畢舜讓辟丹朱於南河之南

集解劉熙曰南河九河之最在南者正義括地志云

故堯城在濮州鄆城縣東北十五里竹書云昔堯德衰為舜所囚也又有偃朱故城在縣西北十五里竹書云

舜囚堯復偃塞丹朱使不與父相見也按濮州北臨漯大川也河在堯都之南故曰南河禹貢至于南河是也

其偃朱城所居即舜讓避丹朱於南河之南處也

諸侯朝覲者不之丹朱而之

舜獄訟者不之丹朱而之舜謳歌者不謳歌丹朱而謳

歌舜舜曰天也夫而後之中國踐天子位焉

集解劉熙曰天子之

位不可曠年於是遂反格於文祖而
當帝位帝王所都為中故曰中國
是為帝舜

虞舜者

集解駟案謚法曰仁聖盛明曰舜索隱虞國名在河東大陽縣舜謚也皇甫謚云舜字都君也

正義括地志云故虞城在陝州河北縣東北五十里虞山之上酈元注水經云轆橋東北有虞城堯以女嬪于虞之地也又宋州虞城大襄國所封之邑杜預云舜後諸侯也又越州餘姚縣顧野王云舜後支庶所封之地舜姚姓故云餘姚縣西七十里有漢上虞故縣會稽舊記云舜上虞人去虞三十里有姚丘即舜所生也周處風土記云舜東夷之人生姚丘括地志又云姚墟在濮州雷澤縣東十三里孝經援神契云舜生於姚墟按二所未名曰重華

集解徐廣曰皇甫謚云舜以堯之二十一年甲子生三十一年甲午徵用七十

九年壬午即真百歲癸卯崩正義尚書云重華協於帝孔安國云華謂文德也言其光又重合於堯瞽瞍姓嫫

妻曰握登見大虹意感而生舜於姚墟故姓姚目重瞳子故曰重華字都君龍顏大口黑色身長六尺一寸

重華父曰瞽叟

正義先后反孔安國云無目曰瞽舜父有目不能分別好惡故時人謂之瞽配

字曰叟叟無目之稱也

瞽叟父曰橋牛

正義橋又音嬌

橋牛父曰句望

正義

句古侯反望音亡

句望父曰敬康敬康父曰窮蟬窮蟬父曰帝

顓頊顓頊父曰昌意以至舜七世矣自從窮蟬以至帝

舜皆微為庶人舜父瞽叟盲而舜母死

索隱皇甫謐云舜母名握登生

舜姓姚墟因

瞽叟更娶妻而生象象傲瞽叟愛後妻子

常欲殺舜舜避逃及有小過則受罪順事父及後母與

弟日以篤謹匪有懈舜冀州之人也

正義蒲州河東縣本屬冀州宋永初

山川記云蒲坂城中有舜廟城外有舜宅及二妃壇括地志云媯州有媯水源出城中者舊傳云即舜釐降二

女於媯汭之所外城中有舜井城北有歷山

舜耕歷山

集解鄭玄曰在河東正義括地志云蒲州河東縣雷首山一名中條山亦名歷山亦名首陽山亦名蒲山亦名

襄山亦名甘棗山亦名猪山亦名狗頭山亦名薄山亦名吳山此山西起雷首山東至吳坂凡十一名隨州縣

分之歷山南有舜井又云越州餘姚縣有歷山舜井濮州雷澤縣有歷山舜井二所又有姚墟云生舜處也及

媯州歷山舜井皆云舜所耕處未詳也

漁雷澤

集解鄭玄曰雷夏兖州澤今屬濟陰正義括地志云

雷夏澤在濮州雷澤縣郭外西北山海經云雷澤有雷神龍首人頰鼓其腹則雷也

陶河濱

集解

謚曰濟陰定陶西南陶丘亭是也正義按於曹州濱河作瓦器也括地志云陶城在蒲州河東縣北三十里即

舜所都也南去歷山不遠或陶所在則可作什器於壽

何必定陶方得為陶舜之陶也斯或一焉

丘 集解皇甫謚曰在魯東門之北索隱什器什數也蓋

人家常用之器非一故以十為數猶今云什物也壽

丘地名黃帝生處正義壽音受顏師古云軍法伍人為

伍二伍為什則共器物故謂生生之具為什器亦猶從

軍及作役者十人**就時於負夏** 集解鄭玄曰負夏衛地

為火共畜調度也

就時 乘時射利也尚書大傳曰販於頓丘

就時負夏孟子曰遷於負夏是也

舜父瞽叟頑母嚚

弟象傲皆欲殺舜舜順適不失子道兄弟孝慈欲殺不

可得即求嘗在側舜年二十以孝聞三十而帝堯問可

用者

正義可用謂可為天子也

四嶽咸薦虞舜曰可於是堯乃以二

女妻舜以觀其內使九男與處以觀其外舜居媯汭內

行彌謹堯二女不敢以貴驕事舜親戚

正義親戚謂父瞽叟後母弟象

妹顓手等也顓音古果反

甚有婦道堯九男皆益篤

正義篤惇也非唯二女恭勤婦

道九男事舜皆益惇厚謹敬也

舜耕歷山歷山之人皆讓畔

正義韓子歷山農相

侵畔舜往耕畊年耕者讓畔也

漁雷澤雷澤上人皆讓居陶河濱河濱

器皆不苦窳

集解史記音義曰音游甫反駟謂窳病也正義苦讀如鹽音古鹽麤也窳音庾

年而所居成聚

正義聚在喻反謂村落也

二年成邑三年成都

正義周禮

郊野法云九夫為井四井為邑四邑為丘四丘為甸四甸為縣四縣為都也

堯乃賜舜絺衣

與琴

正義絺勑遲反細葛布衣也鄒氏音竹几反

為築倉廩予牛羊瞽叟尚

復欲殺之使舜上塗廩瞽叟從下縱火焚廩舜乃以兩

笠自扞而下去得不死

索隱言以笠自扞己身有似鳥張翅而輕下得不損傷皇甫謐

云兩織織笠類列女傳云二女教舜鳥工上廩是也正義通史云瞽叟使舜滌廩舜告堯二女女曰時其焚汝

鵲汝衣裳鳥工往舜既登廩得免去也

後瞽叟又使舜穿井舜穿井為匿

空旁出

集解劉熙曰舜以權謀自免亦大聖有神人之助也索隱空音孔列女傳所謂龍工入井是也

正義言舜潛匿穿孔旁從他井而出也通史云舜穿井又告二女二女曰去汝裳衣龍工往入井瞽叟與象下

土實井舜從他井出去也括地志云舜井在媽州懷戎縣西外城中其西又有一井者舊傳云並舜井也舜自中出帝王紀云河東有舜井未詳舜既入深瞽叟與象共下土實井舜

從匿空出去瞽叟象喜以舜為已死象曰本謀者象象

與其父母分

正義扶問反

於是曰舜妻堯二女與琴象取之

牛羊倉廩予父母象乃止舜宮居

正義宮即室也爾雅云室謂之宮禮云命

士以上父子異宮也

鼓其琴舜往見之象愕不懌曰我思舜正鬱

陶舜曰然爾其庶矣

索隱言汝猶當庶幾於友悌之情義也如孟子取尚書文又云惟茲

臣庶女其于子治蓋欲

舜復事瞽叟愛弟彌謹於是堯

乃試舜五典百官皆治昔高陽氏有才子八人世得其

利謂之八愷

集解賈逵曰愷和也索隱左傳史克對季文子曰昔高陽氏有才子八人蒼舒隤敳

禱戲大臨虎降庭堅仲容叔達

高辛氏有才子八人世謂之八元

集解賈逵

曰元善也索隱左傳高辛氏有才子八人

伯奮仲堪叔獻季仲伯虎仲熊叔豹季狸

此十六族者

世濟其美

索隱謂元愷各有親族故稱族也濟成也言後代成前代也

不隕其名至

於堯堯未能舉舜舉八愷使主后土

集解王肅曰君治九土之宜杜預曰

后土地也索隱禹為司空司空主土則禹在八愷之中正義春秋正義云后君也天曰皇天地曰后土以

揆百事莫不時序

正義言禹度九土之宜無不以時得其次序也

舉八元使布

五教於四方

索隱契為司徒司徒敷五教則契在八元之數也

父義母慈兄友

弟恭子孝內平外成

正義杜預云內諸夏外夷狄也按契作五常之教諸夏太平夷狄向

化也昔帝鴻氏有不才子

集解賈逵曰帝鴻黃帝也其苗裔謹兜也

掩義

隱賊好行凶慝天下謂之渾沌

正義慝惡也一本云天

即謹兜也言掩義事陰為賊害而好凶惡故謂之渾沌也杜預云渾沌不開通之貌神異經云崑崙西有獸焉其狀如犬長毛四足似羆而無爪有目而不見行不開有兩耳而不聞有人知往有腹無五藏有頸直短食徑過人有德行而往抵角有凶惡而行依憑之名渾沌又莊子云南海之帝為儵北海之帝為忽中央之帝為渾沌儵忽時相遇於渾沌之地渾沌待之甚善儵與忽謀欲報渾沌之德曰人皆有七竅以視聽食息此獨無有

嘗試鑿之日鑿一竅七日而渾沌死按言謹兇性似故號之也少皞氏集解服虔曰金天氏帝號有

不才子毀信惡忠崇飾惡言天下謂之窮奇集解服虔曰謂共工

氏也其行窮而好奇正義謂共工言毀敗信行惡其忠直有惡言語高粉飾之故謂之窮奇按常行終必窮極好諂諛奇異于人也神異經云西北有獸其狀似虎有翼能飛便勦食人知人言語聞人闕輒食直者聞人忠信輒食其鼻聞人惡逆不善輒殺獸往顓頊氏有不才集解賈逵曰禱

子不可教訓不知話言天下謂之檮杌集解賈逵曰檮杌頑凶無疇匹

之貌謂鯀也正義檮音道刀反杌音五骨反謂鯀也凶頑不可教訓不從詔令故謂之檮杌按言無疇匹言自縱恣也神異經云西方荒中有獸焉其狀如虎而大毛長二尺人面虎足豬口牙尾長一丈八尺攪亂荒中名

檮杌一名傲很一名難
訓按言鯀性似故號之
此三族世憂之至于堯堯未能

去縉雲氏有不才子

集解賈逵曰縉雲氏姜姓也炎帝之苗裔當黃帝時在縉雲之官也

正義今括州縉雲縣蓋其所封也書云縉赤縉也謂三苗也言貪飲食冒貨賄故謂之饕餮神異經云西南有人焉身多毛上頭戴豕性很惡好息積財而不用善奪人穀物強者畏羣而單名饕餮言三苗性似故號之

貪於飲食冒于貨賄天下謂之饕餮天下惡之比之三

凶

集解杜預曰非帝子孫故別之以比三凶也

舜賓於四門

正義杜預云闕四門達四聰以

賓衆賢也乃流四凶族遷于四裔以御魑魅

集解賈逵曰四裔之地去王城

四千里服虔曰魑魅人面獸身四足好惑人山林異氣所生以為人害正義御音魚呂反魑音丑知反魅音媚

按御魑魅恐更有邪詔之人故流放
四凶以御之也故下云無凶人也

於是四門辟言毋

凶人也舜入于大麓烈風雷雨不迷堯乃知舜之足授

天下堯老使舜攝行天子政巡狩舜得舉用事二十年

而堯使攝政攝政八年而堯崩三年喪畢讓丹朱天下

歸舜而禹臯陶契后稷伯夷夔龍垂益彭祖

索隱彭祖即陸終氏

之第三子錢鏗之後後為大彭亦稱彭祖正義高姚二
音臯陶字庭堅英六二國是其後也契音薛殷之祖也

伯夷齊太公之祖也夔巨邇反樂官也倕音垂亦作垂
內言之官也益伯翳也即秦趙之祖彭祖自堯時舉用

歷夏殷封
於大彭

自堯時而皆舉用未有分職

正義分音符問反又如字分謂

封疆爵土也

於是舜乃至於文祖謀于四嶽辟四門明通四

方耳目命十二牧論帝德行厚德遠佞人

正義舜命十二牧論帝堯

之德又敦之于民遠離邪佞之人言能如此則夷狄亦服從也

則蠻夷率服舜謂四嶽

曰有能奮庸

集解馬融曰奮明庸功也

美堯之事者使居官相事皆

曰伯禹為司空可美帝功舜曰然嗟禹汝平水土維是

勉哉禹拜稽首讓於稷契與臯陶舜曰然往矣

集解鄭玄曰然

其舉得其人汝往居此官不聽其所讓也

舜曰棄黎民始饑

集解徐廣曰今文尚書作祖饑

祖始也索隱古文作祖饑孔氏以汝后稷播時百穀

集解

鄭玄曰時讀曰時正義稷農官也播時謂順四時而種百穀

舜曰契百姓不親五品

不馴

集解鄭玄曰五品父母兄弟子也王肅曰五品五常也正義馴音訓

汝為司徒而敬

敷五教在寬

集解馬融曰五品之教

舜曰臯陶蠻夷猾夏

集解鄭玄曰猾

夏侵亂中國也

寇賊姦軌

集解鄭玄曰由內為姦起外為軌正義亦作宄

汝作士

集解馬融

曰獄官之長正義按若大理卿也

五刑有服五服三就

集解馬融曰五刑墨劓剕宮大

辟三就謂大罪陳諸原野次罪於市朝同族適甸師氏既服五刑當就三處正義孔安國云服從也言輕重之

中正也按墨點鑿其額涅以墨劓截鼻也剕足也五流也宮淫刑也男子割勢婦人幽閉也大辟死刑也

有度

正義度音徒洛反尚書作宅孔安國云五刑之流各有所居也

五度三居

正義按謂度其

遠近為三等之居也

維明能信

集解馬融曰謂在八議君不忍刑宥之以遠五等之差亦有三等之

居大罪投四裔次九州之外次中國之外當明其罪能使信服之

馬融曰謂主百工之官也

皆曰垂可於是以垂為共工

集解馬融曰為司空共理

百工之事

舜曰誰能馴予上下草木鳥獸

集解馬融曰上謂原下謂隰

百工之事

舜曰誰能馴予上下草木鳥獸

集解馬融曰上謂原下謂隰

皆

曰益可於是以益為朕虞

集解馬融曰虞掌山澤之官名

益拜稽首讓

于諸臣朱虎熊羆

索隱即高辛氏之子伯虎仲熊也正義孔安國云朱虎熊羆二臣也垂益

所讓四人皆在元凱之中也

舜曰往矣汝諧遂以朱虎熊羆為佐

正義

為益之佐也

舜曰嗟四獄有能典朕三禮

集解馬融曰三禮天神地祇人鬼之

禮也鄭玄曰天事地事人事之禮也

皆曰伯夷可舜曰嗟伯夷以汝為秩

宗

集解鄭玄曰主次秩尊卑正義若太常也漢書百官表云王莽太常曰秩宗依古也孔安國云秩序宗尊

也主郊廟之官也

夙夜維敬直哉維靜絜

正義靜清也絜明也孔安國云職典禮施

政教使正直而清明

伯夷讓夔龍舜曰然

正義孔安國云然其以推賢不許其讓也

夔為典樂教穉子

集解鄭玄曰國子也案尚書作冑子孔安國曰穉冑聲相近正義穉冑雉

反孔安國云冑長也謂元子以下至卿大夫子弟以歌詩蹈之舞之教長國子中和祇庸孝友

直而溫

集解馬融曰正直而色溫

寬而栗

集解馬融曰寬大而謹敬戰栗也

剛而無虐簡

而無傲

正義孔安國云剛失之虐簡失之傲教之以防其失也

詩言意歌長言

集解

馬融曰歌所以長言詩之意也正義孔安國云詩言志以導其心歌詠其義以長其言也聲依永律

和聲

集解鄭玄曰聲之曲折又依長言聲中律乃為和也正義孔安國云聲五聲宮商角徵羽也律為六

律六呂十二月之音氣也當依聲律和樂也

八音能諧母相奪倫神人以和

集解鄭玄曰祖考來格羣后德讓其一隅也正義八音

金石絲竹匏土革木也孔安國云倫理也八音能諧理

不錯奪則神人咸和命夔使勉也

夔曰於予擊石拊石百獸率舞

集解鄭玄

曰百獸服不氏所養者也率舞言音和也正義於音鳥

孔安國云石磬音之清者拊亦擊也舉清者和則其餘

皆從矣樂感百獸使相率而舞則神人和可知也按磬

一片黑石也不音福尤反周禮云夏官有服不氏掌服

猛獸下士一人徒四人舜曰龍朕畏忌讒說殄偽振驚

朕衆

集解徐廣曰一云齊說殄行振驚衆駟案鄭玄曰所謂色取仁而行違是驚動我之衆臣使之疑惑

正義偽音危睡反言畏惡利口讒說之人兼殄絕姦偽

人黨恐其驚動我衆使龍遏絕之出入其命維信實也

此偽字太史公變尚書文也尚書偽字作行音下孟

反言己畏忌有利口讒說之人殄絕無德行之官也

命

汝為納言夙夜出入朕命惟信

正義孔安國云納言喉舌之官也聽下言納于

上受上言宣

集解馬融曰稷契

于下必信也

臯陶皆居官久有

成功但述而美之無所復勅禹及垂已下皆初命凡六

人與上十二牧四嶽凡二十二人鄭玄曰皆格于文祖

時所勅

敬哉惟時相天事

正義相視也舜命二十二人各敬行其職惟在順時視天

命也

所宜而

行事也

三歲一考功三考絀陟遠近衆功咸興分北三

苗

集解鄭玄曰所竄三苗為西裔諸侯者猶為惡乃復分析流之

此二十二人咸成厥

功皐陶為大理平

正義皐陶作士正平天下罪惡也

民各伏得其實

伯夷主禮上下咸讓垂主工師

正義工師若今大匠卿也

百工致功

益主虞山澤辟

正義婢亦反開也

棄主稷百穀時茂契主司徒百

姓親和龍主賓客遠人至十二牧行而九州莫敢辟違

正義禹九州之民無敢辟違舜十二牧也

唯禹之功為大披九山

正義披音皮義反謂

傍其山邊以通

通九澤決九河定九州各以其職來貢不失厥

宜方五千里至于荒服南撫交趾北發

索隱一句

西戎析枝

渠度氏羌

索隱此言帝舜之德皆撫及四方夷人故先以

北山戎發息慎

集解鄭玄曰息慎謂之肅慎東北夷

東

長鳥夷

索隱此言帝舜之德皆撫及四方夷人故先以撫字總之北發當云北戶南方有地名北戶又

按漢書北發是北方國名今以北發為南方之國誤也此文省畧四夷之名錯亂西戎上少一西字山戎下少

一北字長字下少一夷字長夷也鳥夷也其意宜然今按大戴禮亦云長夷則長是夷號又云鮮支渠搜則鮮

支當此析枝也鮮析音相近鄒氏劉氏云息並音肅非也且夷狄之名古書不必皆同今讀如字也正義注鳥

或作鳥括地志云百濟國西南海中有大島十五所皆置邑有人居屬百濟又倭國西南大海中島居凡百餘

小國在京南萬三千五百里按武后改倭國為日本國

四海之內

正義爾雅云九夷八狄七戎六

蠻謂之四海

咸戴帝舜之功於是禹乃興九招之樂

索隱招音韶即

舜樂簫韶九
成故曰九招

致異物鳳皇來翔天下明德皆自虞帝始

舜年二十以孝聞年三十堯舉之年五十攝行天子事

年五十八堯崩年六十一代堯踐帝位

集解皇甫謐曰舜所都或言蒲

阪或言平陽或言潘潘今上谷也正義括地志云平陽今晉州城是也潘今媯州城是也蒲坂今蒲州南二里河東縣界蒲坂故城是也踐帝位三十九年南巡狩崩於蒼梧之野

葬於江南九疑是為零陵

集解駉案皇覽曰舜冢在零陵營浦縣其山九谿皆相似

故曰九疑傳曰舜葬蒼梧象為之耕禮記曰舜葬蒼梧三妃不從山海經曰蒼梧山帝舜葬于陽丹朱葬於陰

皇甫謐曰或曰二妃葬衡山

舜之踐帝位載天子旗往朝父瞽叟夔

夔唯謹

集解徐廣曰和敬貌

如子道封弟象為諸侯

集解駰案孟子曰封之有

庠音鼻正義帝王紀云舜弟象封於有鼻

括地志云鼻亭神在道縣北六十里故老傳云舜葬九疑象來至此

後人立祠名為鼻亭神輿地志云零陵郡應陽縣東有

山山有象廟王隱晉書云此大泉陵縣北部東五里有

鼻墟象所封也

舜子商均亦不肖

集解皇甫謐曰娥皇無子女英生商均正義譙周云以虞

封舜子今宋州虞城縣括地志云虞國舜後

所封邑也或云封舜子均於商故號商均也

舜乃豫薦

禹於天

索隱謂告天使之攝位也

十七年而崩三年喪畢禹亦乃讓

舜子如舜讓堯子

正義括地志云禹居洛州陽城者避商均非時久居也

諸侯歸

之然後禹踐天子位堯子丹朱舜子商均皆有疆土以

奉先祀

集解譙周曰以唐封堯之子以虞封舜之子索隱漢書律歷志云封堯子朱於丹淵為諸侯商

均封虞在梁國今虞城縣也正義括地志云定州唐縣堯後所封宋州虞城縣舜後所封也

服其服

禮樂如之以客見天子

正義為天子之賓客也

天子弗臣示不敢

專也自黃帝至舜禹皆同姓而異其國號以章明德

集解

徐廣曰外傳曰黃帝二十五子其得姓者十四人虞翻云以德為氏姓又虞說以凡有二十五人其二人同姓姬又十一人為十一姓酉祁已滕歲任荀釐姑嬛依是也餘十二姓德薄不紀錄故黃帝為有

熊帝顓頊為高陽帝嚳為高辛帝堯為陶唐

集解韋昭曰陶唐皆

國名猶湯稱殷商矣張晏曰堯為唐侯國於中山唐縣是也

帝舜為有虞

集解皇甫謐曰舜嬪

于虞因以為氏今河東大陽西山上虞城是也

帝禹為夏后而別氏姓如氏契

為商姓子氏

索隱禮緯曰禹母脩己吞薏苡而生禹因姓如氏而契姓子氏者亦以其母吞黿子

而棄為周姓姬氏

集解駢案鄭玄駁許慎五經異義曰春秋左傳無駭卒羽父請謚與族公

問族於衆仲衆仲對曰天子建德因生以賜姓昨之土而命之氏諸侯以字為謚因以為族官有世功則有官族邑亦如之公命以字為展氏以此言之天子賜姓命氏諸侯命族族者氏之別名也姓者所以統繫百世使不別也氏者所以別子孫之所出故世本之篇言姓則在上言氏則在下也

太史公曰

正義太史公司馬遷自謂也自叙傳云太史公曰先人有言又云太史公曰余聞之董生

又云太史公遭李陵之禍明太史公司馬遷自號也遷為太史公官題贊首也虞喜云古者主天官者皆上公

非獨

學者多稱五帝尚矣

索隱尚上也言久遠也然尚矣文出大戴禮

然尚

書獨載堯以來而百家言黃帝其文不雅馴

正義馴訓也謂百家

之言皆非典雅之訓

薦紳先生難言之

集解徐廣曰薦紳即縉紳也古字假借

孔子

所傳宰子問五帝德及帝繫姓

正義繫音奚計反

儒者或不傳

索隱五帝德帝繫姓皆大戴禮及孔子家語篇名以二者皆非正經故漢時儒者以為非聖人之言故多不傳

學也余嘗西至空峒

正義余太史公自稱也嘗曾也空峒山在原州平高縣西百里黃帝問道

於廣成子處

北過涿鹿

正義涿鹿山在嬀州東南五十里山側有涿鹿城即黃帝堯舜之都

東

漸於海南浮江淮矣至長老皆各往往稱黃帝堯舜之

處風教固殊焉總之不離古文者近是

索隱古文即帝德帝系二書也

近是聖人之說

予觀春秋國語其發明五帝德帝繫姓章矣

索隱

太史公言己以春秋國語古書博加考驗益以發明五帝德等說甚章著也

顧弟弗深考

集解

徐廣曰弟但也史說漢書見此者非一又左思蜀都賦曰弟如滇池而不詳者多以為字誤學者安可不博觀

乎正義顧念也弟且也太史公言博考古文擇其言表見之不虛甚章著矣思念亦且不須更深考論

其

所表見皆不虛

索隱言帝德帝系所有表見者皆不為虛妄也

書缺有間矣

正義

言古文尚書缺失其間多矣而無說黃帝之語

其軼乃時時見於他說

索隱言古典殘

缺有年載故曰有間然帝皇遺事散軼乃時時旁見於他記說即帝德帝系等說也故己今採按而備論黃帝

己來事耳非好學深思心知其意固難為淺見寡聞道也余

并論次擇其言尤雅者故著為本紀書首

正義太史公據古文并諸

子百家論次擇其言語典雅者故著為五帝本紀在史記百三十篇書之首

索隱述贊曰帝出少典居于軒丘既代炎歷遂禽蚩尤高陽嗣位靜深有謀小大遠近莫不懷柔爰泊帝譽列聖同休帝摯之弟其號放勳就之如日望之如雲郁夷東作昧谷西曛明敬仄陋玄德升聞能讓天

下賢哉

二君

右述贊之體深所不安何者夫敘事美功合有首末懲惡勸善是稱褒貶觀太史公贊論之中或國有數君或士兼百行不能備論終始自可略申梗概遂乃頗取一事偏引一奇即為一篇之贊將為龜鏡誠所

金史卷一百一
不取斯亦明月之珠不能無類矣
今並重為一百三十篇之贊云

史記卷一

史記卷一考證

五帝本紀黃帝者正義亭亭在牟陰○牟陰漢唐皆無其縣漢地理志泰山郡鉅平縣下云有亭亭山祠然則牟陰是鉅平二字之誤又監本作封太山禪亭亭在牟陰推尋文義應複舉亭亭二字今添

而蚩尤最為暴莫能伐集解瓚曰孔子三朝記曰蚩尤庶人之貪者○周禮肆師疏亦引三朝記云庶人之强者與此異

又正義並獸身人語銅頭鐵額監本作銅鐵額○臣照
按徐陵文銅頭鐵額與暴軒年頭字缺今添

遂禽殺蚩尤集解皇覽曰蚩尤冢在東平郡壽張縣闕
鄉城中高七丈○東平郡依後漢郡國志宜為東平
國水經注引此則竟作東郡闕鄉縣城郡國志注引
皇覽作闕城高七丈水經注引皇覽作高七尺

黃帝居軒轅之丘集解山海經曰在窮山之際西射之
南○臣世駿按山海經西山經曰軒轅之丘洵水出

馬南流注於黑水郭璞注黃帝居此丘娶西陵氏女
因號軒轅丘又海外西經曰軒轅之國在此窮山之
際在女子國北窮山在其北不敢西射畏軒轅之丘
郭璞注言敬畏黃帝威靈故不敢向西而射也集解
不引西山軒轅之丘而引海外軒轅之國為證已為
失誤至以西射為地名則尤誤之誤也

是為青陽集解太史公乃據大戴禮以嫫祖生昌意及
元囂○臣世駿按戴德禮有孝昭冠辭則其後於太

史公明矣集解竟以為太史公乃據大戴禮疑有誤
青陽降居江水○大戴禮帝繫篇作降居泝水

昌意娶蜀山氏女曰昌僕○大戴禮帝繫篇作昌濮路
史後紀作景嫫

依鬼神以制義○制監本作制正義曰制古制字則本
文應作制明矣今改正

帝堯者放勳○臣德齡按柯維騏曰太史公本五帝德
以放勳重華文命為堯舜禹之名竊考堯紀放勳二

字似與堯典同旨言堯之功無所不至以為一篇總
冒至舜之名曰重華禹之名曰文命則名曰二字亦
可屬之當時頌美之詞不必為舜禹之命名也此論
似為得之

敬授民時正義尚書考靈耀云主春者張昏中可以種
稷主夏者火昏中可以種黍菽○尚書疏引書傳云
張昏中可以種穀火昏中可以種黍

便程南為敬致集解孔安國曰平序分南方化育之事

尚書孔傳無分字

鳥獸毛玆集解孔安國曰毛更生曰玆理○尚書孔傳作毛更生整理

鳥獸毳毛集解孔安國曰鳥獸皆生毳毳細毛以自溫也○尚書孔傳毳作毳

九載功用不成○載監本作歲正義詳釋載字義則本文不得作歲也今改正

朕在位七十載汝能庸命踐朕位正義孔安國云堯年

十六以唐侯升為天子在位七十載時八十六老將求代也○徐孚遠曰據皇甫謐所記堯崩年百十八歲在位九十八年則是二十方即位也與此不同

舜乃在璿璣玉衡以齊七政○在監本訛為作今改正又正義璣徑八尺圓周二尺五寸而強○臣照按尚書疏作圓周二丈五尺而強徑一者圍三有奇徑八尺圓周豈當二尺五寸正義誤

至於岱宗柴正義風俗通云泰山之尊者一曰岱宗始

也長也○風俗通本文云岱始也宗長也

同律度量衡正義本起黃鐘之長以子穀秬黍中者一
黍之起積千二百黍之廣度之九十分一為一分十
分為寸○監本作本起黃鐘之管長以子穀秬黍中
者一黍為一分十分為一寸臣照按今漢書律厯志
亦同此訛遂不可解宋史律志詳之今照宋史改
丹朱之不肖不足授天下○此下監本落於是乃權授
舜句并索隱正義注今添

虞舜者正義宋州虞城大襄國所封之邑○大襄疑虞思二字之誤見路史國名紀

瞽叟父曰橋牛橋牛父曰句望句望父曰敬康敬康父曰窮蟬窮蟬父曰帝顓頊顓頊父曰昌意以至舜七世矣○路史餘論曰呂梁碑劉耽作碑中敘紀虞帝之世云舜祖幕幕生窮蟬窮蟬生敬康敬康生喬牛喬牛生瞽叟瞽叟產舜命禹行水道呂梁特此節完備為可攷質之於傳惟無句望且不言出自黃帝

陶河濱正義或陶所在則可○或陶上脫或耕二字語見水經注言無地不可耕且陶也

歷山之人皆讓畔正義韓子歷云○歷字疑衍

使主后土集解杜預曰后土地也○左傳杜預注云后土地官與此異

縉雲氏有不才子正義書云縉赤縉也○春秋疏云字書云赤縉也此明脫字字

禹臯陶契后稷伯夷夔龍垂益彭祖○臣德齡按自禹

至彭祖為十人而下文敘其分職則惟九官而無彭祖又下文舜曰嗟汝二十有二人注引書傳謂四岳九官十二牧也亦無彭祖竊疑彭祖二字是衍文

寇賊姦軌集解鄭元曰由內為姦起外為軌○尚書孔傳曰在外曰奸在內曰宄蓋本成十七年傳文與鄭義相反

於是以垂為共工集解馬融曰為司空共理百工之事○徐孚遠曰是時禹為司空宅百揆垂何得亦為司

空抑禹自宅揆解司空之職以授垂耶將其工別為一官與司空分職而馬說誤耶

教穉子集解孔安國曰穉胄聲相近○今尚書孔傳無此語

於是禹乃興九招之樂○臣德齡按禹字疑當作夔字蓋夔為典樂之官而禹無作樂之事九招樂作致異物鳳凰來翔不歸其功於夔不可其敘二十二人之成功除四岳無有分職不敘外而獨遺典樂之夔亦

不可且其敘禹於諸臣之後者以禹之功為最大也而大樂之作所以告成功故又敘夔於禹之後其次序固秩然不紊也夏本紀舜德大明於是夔行樂一段尤可為夔字明證

封弟象為諸侯正義王隱晉書云此大泉陵縣北部東五里有鼻墟○此大泉三字疑是零陵二字之誤

孔子所傳宰子問五帝德及帝繫姓○監本誤將下文索隱五帝德帝繫姓皆大戴禮云云復見於此標作

正義今刪

史記卷一考證

史記卷一考證

謹案第四頁前八行集解藝樹也刊本脫集解二字今增

第六頁前六行熊耳山在商州上洛縣西刊脫上字據唐書地理志改增

第九頁後五行在豫州新息縣刊本息訛恩據唐書地理志改

第十頁前四行在上郡陽周縣刊本陽周訛周陽據漢書地理志改

第十頁前六行周隋改為羅川刊本羅訛罷據隋
書地理志改

第十一頁後七行自言其名曰爰刊本爰訛爰據
上索隱改

第十七頁前五行兕音斗侯反刊本斗訛升今改
第十九頁後七行黑帝汁光紀之府刊本脫汁字
今增

第二十四頁後一行不畏風雨禽獸刊本脫禽字

今增

第二十五頁前一行丘壠皆小刊本皆小二字訛
作山字據漢書劉向傳改

第二十六頁前二行在河東大陽縣刊本大訛太
據漢書地理志改

第二十六頁前三行軫橋東北有虞城刊本軫訛
幹據水經注改

第二十七頁後二行何必定陶方得為陶刊本下

陶字訛在下句舜字之下據水經注改

第二十八頁前五行韓子歷山農相侵畔刊本山
訛云據韓非子改

第二十九頁後二行史克對季文子案左傳此季
文子使史克對魯宣公之辭索隱誤

第三十頁前七行南海之帝為儵北海之帝為忽
刊本脫北海之帝為五字據莊子增

第三十四頁後二行偽音危睡反刊本睡訛腫據

廣韻改



總校官庶吉士臣侍朝

校對官檢討臣王鍾健

謄錄監生臣蔣予林

欽定四庫全書薈要

史部

史記卷三

詳校官主事銜臣徐以坤



欽定四庫全書薈要卷三千五百八十

史部

史記卷二

漢 太 史 令司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

夏本紀第二

夏禹

集解駟案謚法曰受禪成功曰禹正義夏者帝禹封國號也帝王紀云禹受封爲夏伯在豫州外方

之南今河南陽翟是也

名曰文命

索隱尚書云文命敷于四海孔安國云外布文德教命不云是

禹名太史公皆以放勳重華文命爲名孔又云虞氏舜名則堯舜禹湯皆名矣蓋古質帝王之號皆以名後代因其行追而爲謚其實禹是名故張晏云少昊已前天下之號象其德顓頊已來天下之號因其名又按系本縣取有莘氏女謂之女志是生高密宋忠云高密禹所封國正義帝王紀云父鯀妻脩己見流星貫昴夢接意感又吞神珠薏苡胃圻而生禹名文命字高密九尺二寸長本西夷人也大戴禮云高陽之孫鯀之子曰文命揚雄蜀王本紀云禹本汶山郡廣柔縣人也生於石紐括地志云茂州汶川縣石紐山在縣西七十三里華陽國志云今夷人共營其地方百里不敢居牧至今猶不敢放六畜按廣柔隋改曰汶川

禹之父曰

鯀鯀之父曰帝顓頊

索隱皇甫謐云鯀帝顓頊之子字熙又連山易云鯀封於崇故國語

謂之崇伯鯀系本亦以鯀爲顓頊子漢書律歷志則云顓頊五代而生鯀按鯀既仕堯與舜代系殊懸舜即顓頊六代孫則鯀非是顓頊之子蓋班氏之言近得其實 顓頊之父曰昌意昌意之

父曰黃帝禹者黃帝之玄孫而帝顓頊之孫也禹之曾

大父昌意及父鯀皆不得在帝位爲人臣當帝堯之時

鴻水滔天

索隱一作洪鴻大也以鳥大曰鴻小曰鴈故近代文字大義者皆作鴻

浩浩懷

山襄陵下民其憂堯求能治水者羣臣四嶽皆曰鯀可

堯曰鯀爲人負命毀族不可四嶽曰等之未有賢於鯀者願帝試之於是堯聽四嶽用鯀治水九年而水不息

功用不成於是帝堯乃求人更得舜舜登用攝行天子

之政巡狩行視鯀之治水無狀

索隱言無功狀

乃殛鯀於羽山

以死

正義殛音紀力反鯀之羽山化爲黃熊入于羽淵熊音乃來反下三點爲三足也東晉發蒙記云鼈

三足曰熊

天下皆以舜之誅爲是於是舜舉鯀子禹而使續

鯀之業堯崩帝舜問四嶽曰有能成美堯之事者使居官皆曰伯禹爲司空可成美堯之功舜曰嗟然命禹女平水土維是勉之禹拜稽首讓於契后稷臯陶舜曰女其往視爾事矣禹爲人敏給克勤其德不違其仁可親

其言可信聲爲律

索隱言禹聲音應鍾律

身爲度

集解王肅曰以身爲法度索隱

按今亟猶稱禹步

稱以出

集解徐廣一作士索隱按大戴禮見作士又一解云上聲與身爲律度則

權衡亦出於其身故云稱以出也

疊疊穆穆爲綱爲紀禹乃遂與益后

稷奉帝命命諸侯百姓興人徒以傅土行山表木

集解駟案

尚書傳字作敷馬融曰敷分也索隱大戴禮作傅土故此紀依之傳即付也謂付功屬役之事謂令入分布理

九州之土地也表木謂刊木立爲表記尚書作隨山刊木

定高山大川

集解馬融曰定其差秩祀

禮所視也駟案尚書大傳曰高山大川五嶽四瀆之屬

禹傷先人父鯀功之不成

受誅乃勞身焦思居外十三年過家門不敢入薄衣食

致孝于鬼神

集解馬融曰祭祀豐潔

卑宮室致費於溝洫

集解包氏曰方

里爲井井間有溝溝廣深四尺十里爲成成間有洫洫廣深八尺

陸行乘車水行乘船

泥行乘橇

集解徐廣曰他書或作藇駟案孟康曰橇形如箕擗行泥上如淳曰橇音茅藇之藇謂以

板置其泥上以通行路也正義按橇形如船而短小雨頭微起人曲一脚泥上擗進用拾泥上之物今杭州溫

州海邊山行乘輦

集解徐廣曰輦一作橋音丘遙反駟案如淳曰輦車謂以鐵如錐頭長半

寸施之履下以上山不蹉跌也又音紀錄反正義按上山前齒短後齒長下山前齒長後齒短也輦音與上同

也左準繩右規矩

集解王肅曰左右言常用也索隱左所運用堪爲人之準繩右所舉動必

應規矩也載四時集解王肅曰所以行不違四時之宜也

以開九州通九道陂

九澤度九山令益予衆庶稻可種卑濕命后稷予衆庶
難得之食食少調有餘相給以均諸侯禹乃行相地宜

所有以貢及山川之便利禹行自冀州始冀州既載

正義

按治水及貢賦從帝都爲始也黃河自勝州東直南至華陰即東至懷州南又東北至平州碣石山入海也東河之西西河之東南河之北皆冀州也壺口治梁及岐

集解孔安國曰冀州堯所都也先施

貢賦役載於書也鄭玄曰兩河間曰冀州地理志壺口在河東北屈梁山在左馮翊夏陽岐山在右扶風美陽正義括地志云壺口山在慈州吉昌縣西南五十里冀州境也梁山在同州韓城縣東南十九里岐山岐州岐山縣東北十里二山雍州境也孔安國曰從東循山治水而西也既脩太原至于嶽陽

集解孔安國曰太原今爲郡名太嶽在太原西南山南曰陽索隱嶽太嶽即冀州之鎮霍太山也按地理志霍

太山在河東彘縣東凡如此類不引書者皆地理志文正義括地志云霍山在沁州沁原縣西七十八里覃

懷致功

集解孔安國曰覃懷近河地名鄭玄曰懷縣屬河內索隱按河內有懷縣今驗地無名覃者蓋

覃懷二字或當時共爲一地之名

至於衡漳

集解孔安國曰漳水橫流索隱案孔註以衡爲橫非

王肅云衡漳二水名地理志清漳水出上黨沾縣東北至阜城縣入河濁漳水出上黨長子縣東至鄴入清漳也正義括地志云故懷城在懷州武陟縣西十一里衡漳水在瀛州東北百二十五里平舒縣界也

其土

白壤

集解孔安國曰土無塊曰壤

賦上上錯

集解孔安國曰上上第一錯誰也誰出第二之

賦

田中中

集解孔安國曰九州之中爲第五

常衛既從大陸既爲

集解鄭玄

曰地理志恒水出恒山衛水在靈壽大陸澤在鉅鹿索隱此文改恒山恒水皆作常避漢文帝諱故也常水出

常山上曲陽縣東入滹沱

鳥夷皮服

集解鄭玄曰鳥夷東北之民搏

水出常山靈壽縣東入滹沱

食鳥獸者孔安國曰服其皮明水害除正義括地志云

靺鞨國古肅慎也在京東北萬里已下東及北各抵大

海其國南有白山鳥獸草木皆白其人處山林間土氣

極寒常爲穴居以深爲貴至接九梯養豕食肉衣其皮

冬以猪膏塗身厚數分以禦風寒貴臭穢不潔作廁於

中園之而居多勇力善射弓長四尺如弩矢用楛長一

尺八寸青石爲鏃葬則交木作擲殺猪積擲上富者至

數百貧者數十以爲死人之糧以土上覆之以繩繫於

擲頭出土上以酒灌醢繩

夾右碣石

集解孔安國曰碣石海畔山也

入

腐而止無四時祭祀也

于海

集解徐廣曰海一作河索隱地理志云碣石山在北平驪城縣西南太康地理志云樂浪遂城縣有

碣石山長城所起又水經云在遼西臨渝縣南水中蓋碣石山有二此云夾右碣石入於海當非北平之碣石

濟河維沅州

集解鄭玄曰言沅州之界在此兩水之間

九河既道

集解馬融曰九河名

徒駭太史馬頰覆釜

雷夏既澤雍沮會同

集解鄭玄曰雍水沮水相

胡蘇簡潔鉤盤鬲津

觸而合入此澤中地理志曰雷澤在濟陰城陽縣西北

索隱爾雅云水自河出爲雍也正義括地志云雷夏澤

在濮州雷澤縣郭外西北雍沮二水在雷澤西北平地也

桑土既蠶於是民得下丘

居士

集解孔安國曰大水去民下丘居平土就桑蠶

其土黑墳

集解孔安國曰色黑而墳起

草繇木條

集解孔安國曰繇茂條長也

田中下

集解孔安國曰第六

賦貞作十

有三年乃同

集解鄭玄曰貞正也治此州正作不休十年乃有賦與八州同言功難也其賦下

下

其貢漆絲其篚織文

集解孔安國曰地宜漆林又宜桑蠶織文錦綺之屬盛之篚篚

而貢

浮於濟漂通於河

集解鄭玄曰地理志云漂水出東郡東武陽索隱濟水出河東

馬

垣縣王屋山東其流至濟陰故應劭云濟水出平原

陰縣東漂水出東郡東武陽縣北至千乘縣而入于海

海岱維青州

集解鄭玄曰東自海西至岱東嶽曰岱山正義按舜分青州爲營州遼西及遼東

嶠夷既略

集解馬融曰嶠夷地名用功少曰略索隱孔安國曰東表之地稱嶠夷按今文尚書及帝

命驗並作禺鍤在

濰淄既道

集解鄭玄曰地理志濰水出琅邪淄水出泰山萊蕪

遼西鍤古夷字也

縣原山正義括地志云密州莒縣山濰水所出淄州淄

川縣東北七十里原山淄水所出俗傳云禹治水功畢

土石黑數里之中波

其土白墳海濱廣潟

集解徐廣曰一作澤又作

若漆故謂之淄水也

斤 厥田斤鹵

集解鄭玄曰斤謂地鹵鹵索隱鹵音魯說文云鹵鹵地東方謂之斤西方謂之鹵

田上下賦中上

集解孔安國曰田第三賦第四

厥貢鹽絺海物維錯

集解

孔安國曰絺細葛錯雜非一種鄭玄曰海物海魚也魚種類尤雜

岱畎絲枲鈞松怪石

集解孔安國曰畎谷也怪異好石似玉者岱山之谷出此五物皆貢之

萊夷爲牧

集解孔安國曰

萊夷地名可以牧放索隱按左傳云萊人劫孔子孔子稱夷不亂華又云齊侯伐萊服虔以爲東萊黃縣是今

按地理志黃縣有萊山恐即此地之夷

其篚會絲

集解孔安國曰會桑蠶絲中爲琴瑟弦索隱爾

雅云縻山桑是蠶食縻之絲也

浮於汶通於濟

集解鄭玄曰地理志汶水出泰山萊蕪縣原山

西南入濟 海岱及淮維徐州

集解孔安國曰東至海北至岱南及淮

淮沂其治

蒙羽其藝

集解鄭玄曰地理志沂水出泰山蓋縣蒙羽二山名孔安國曰二水已治二山可以種藝

索隱水經云淮水出南陽平氏縣胎簪山北過桐栢山

沂水出泰山蓋縣艾山南過下邳縣入泗蒙山在泰山

蒙陰縣西羽山在東海

祝其縣南延繇之地

大野既都

集解鄭玄曰大野在山陽鉅野北名鉅野

澤孔安國曰

東原底平

集解鄭玄曰東原地名今東平郡即東原索隱張華博物志云

兗州東平郡即尚書之東原也正義廣平曰原徐

州在東故曰東原水去已致平復言可耕種也

其土

赤埴埴

集解徐廣曰埴黏土也

草木漸包

集解孔安國曰漸長進包叢生也

其田

上中賦中中

集解孔安國曰田第二賦第五

貢維土五色

集解鄭玄曰土五色者所

以爲大社之封正義韓詩外傳云天子社廣五大東方

青南方赤西方白北方黑上冒以黃土將封諸侯各取

方土草以白茅以爲社也太康地記云城陽姑幕有五
色土封諸侯錫之茅土用爲社此土即禹貢徐州土也

今屬密

羽畎夏翟

集解孔安國曰夏翟翟雉名也羽中旌旄羽山之谷有之

嶧陽孤

桐

集解孔安國曰嶧山之陽特生桐中琴瑟鄭玄曰地理志嶧山在下邳正義括地志云嶧山在兗州鄒縣

南二十二里鄒山記云鄒山古之嶧山言絡繹相連

屬也今猶多桐樹按今獨生桐尚微一偏似琴瑟

泗

濱浮磬

集解孔安國曰泗水涯水中見石可以爲磬鄭玄曰泗水出濟陰乘氏也正義括地志云泗水

至彭城呂淮夷蠙珠泉魚

集解孔安國曰淮夷二水出梁出石磬蠙珠及美魚鄭玄曰淮夷淮

水之上民也索隱按尚書云徂茲淮夷徐戎並興今徐州言淮夷則鄭解爲得蠙一作玼並步玄反泉古暨字

泉興也言夷人所居淮水之處有此蠙珠與魚也又作濱濱畔也

其筐玄纈縞

集解鄭玄曰纈

細也祭服之材尚細正義玄黑
纖細縞白繒以細繒染爲黑色

浮于淮泗通于河

正義括地

志云泗水源在兗州泗水縣東

陪尾山其源有四道因以爲名淮海維揚州

集解孔安國曰北據

淮南

彭蠡既都陽鳥所居

集解鄭玄曰地理志彭蠡澤在豫章彭澤西孔安國曰隨

陽之鳥鴻鴈之屬冬月居此澤也索隱都古文尚書作

豬孔安國云水所停曰豬鄭玄云南方謂都爲豬則是

水聚會之義正義蠡音禮括地志云彭

三江既入

索隱

蠡湖在江州潯陽縣東南五十二里

云三江謂松江錢塘江浦陽江按地理志有南江中江

北江是爲三江其南江從會稽吳縣南東入海中江從

丹陽蕪湖東北至會稽陽羨縣東入海北江從會稽毗

陵縣北東入海故下文東爲中江又東爲北江孔安國

云有北有中

震澤致定

集解孔安國曰震澤吳南太湖名言三江已入致定爲震澤索

隱震一作振地理志云會稽吳縣故周太伯所封國具區在其西古文以爲震澤又左傳稱笠澤亦謂此也正義澤在蘇州西四十五里三江者在蘇州東南三十里名三江口一江西南上七十里至太湖名曰松江古笠澤江一江東南上七十里曰蜺湖名曰上江亦曰東江一江東北下三百餘里入海名曰下江亦曰婁江於其分處號曰三江口顧夷吳地記云松江東北行七十里得三江口東北入海爲婁江東南入海爲東江并松江爲三江是也言理三江入海非入震澤也按太湖西南湖州諸溪從天目山下西北宣州諸山有溪並下太湖太湖東北流各至三江口入海其湖無通彭蠡湖及太湖處並阻山陸諸儒及地志等解三江既入皆非也周禮職方氏云揚州藪曰具區川曰三江按五湖三江者韋昭注非也其源俱不通太湖引解三江既入失之遠矣五湖者菱湖游湖莫湖貢湖胥湖皆太湖東岸五灣爲五湖蓋古時應別今並相連菱湖在莫釐山東周迴

三十餘里西口濶二里其口南則莫釐山北則徐侯山
西與莫湖連莫湖在莫釐山西及北北與胥湖連胥湖
在胥山西南與莫湖連各周迴五六十里西連太湖游
湖在北二十里在長山東湖西口濶二里其口東南岸
樹里山西北岸長山湖周迴五六十里貢湖在長山西
其口濶四五里口東南長山山南即山陽村西北連常
州無錫縣老岸湖周迴一百九十里已上湖身向東北
長七十餘里兩湖西亦連太湖河渠書云於吳則通渠
三江五湖貨殖傳云夫吳有三江五湖之利

竹箭既布

集解孔安國云水去布生

其草惟夭其木惟喬

集解孔安國曰少長曰夭喬高也

其

土塗泥

集解馬融曰漸洳也

田下下賦下上上雜

集解孔安國曰田第九賦第七

雜出

貢金三品

集解孔安國曰金銀銅鄭玄曰金三色也

瑤琨竹箭

集解孔安國曰

瑤琨皆美玉也

齒革羽毛

集解孔安國曰象牙犀皮鳥羽旄牛尾也正義周禮考工記云犀甲七屬

兕甲六屬郭云犀似水牛猪頭大腹庠脚橢角好食棘也亦有一角者按西南夷常貢旄牛尾爲旌旗之飾書

詩通謂之旄故尚書云右秉白旄詩云建旄設旄皆此牛也

島夷卉服

集解孔安國曰南海島夷

草服葛越正義括地志云百濟國西南渤海中有大島

十五所皆邑落有人居屬百濟又倭國武皇后改曰日

本國在百濟南隔海依島而居凡百餘小國此皆揚州

之東島夷也按東南之夷草服葛越焦竹之屬越即苧

也**其篚織貝**

集解孔安國曰織細紵也貝水物也鄭玄曰貝錦名也詩云成是貝錦凡織者先染

其絲織之

即成矣

其包橘柚錫貢

集解孔安國曰小曰橘大曰柚錫命乃貢言不常也鄭玄

曰有錫則貢之或時乏則不貢錫所以柔金也

均江海通淮泗

集解鄭玄曰均請曰沿沿順水

行也荆及衡陽維荊州集解孔安國曰北據江漢朝宗于

海

集解孔安國曰二水經此州而入海有似於朝百川以海爲宗宗尊也正義括地志云江水源出岷州南

岷山南流至益州即東南流入蜀至瀘州東流經三峽過荊州與漢水合孫卿子云江水其源可以濫觴也又

云漢水源出梁州金牛集解孔安國曰江於九江甚中此州界分爲九道甚

得地勢之中鄭玄曰地理志九江在尋陽南皆東合爲大江索隱按尋陽記九江者烏江蚌江烏白江嘉靡江

源江畎江廩江提江箇江又張漬九江圖所沱沱沱已道

集解孔安國曰沱江別名沱水名鄭玄曰水出江爲沱漢爲沱索隱沱亦作潛沱由蜀郡郫縣西東入江潛出

漢中安陽縣西北入漢故爾雅云水自江出爲沱漢出爲潛正義括地志云繁江水受郫江禹貢曰岷山導江

東別爲沱源出益州新繁縣潛水一名復水今名龍門水源出利州綿谷縣東龍門山大石穴下也雲土

夢爲治

集解孔安國曰雲夢之澤在江南其中有平土丘水去可爲耕作畎畝之治索隱夢一作曹鄒

誕生又音蒙按雲土夢本二澤名蓋人以二澤相近或合稱雲夢耳知者據左傳云昭王寢於雲中又楚子鄭伯田于江南之夢則是二澤各別也韋昭曰雲土今爲縣屬江夏南郡華容今按地理志云江夏有雲杜縣是

其土塗泥田下中賦上下

集解孔安國曰田第八賦第三貢羽旄齒革

金三品杔榦栝栢

集解鄭玄曰四木名孔安國曰榦栢也栢葉松身曰栝

礪砥砮

丹

集解孔安國曰砥細於礪皆磨石也砮石中矢鏃丹朱類也

維箇輅栝

集解徐廣曰一作箭

足杆杆即栝也音怙箭足者矢鏃也或以箭足訓釋箇輅乎駟案鄭玄曰箇輅聆風也

三國致貢

其名

集解馬融曰言蒲簾格三國所致貢其名善也

包匭菁茅

集解鄭玄曰匭纏結也菁茅茅

有毛刺者給宗廟縮酒重之故包裹又纏結也正義括

地志云辰州盧溪縣西南三百五十里有包茅山武陽

記云山際出包茅有刺

其篚玄纁璣組

集解孔安國曰此州染玄纁色

善故貢之璣珠類生

九江入賜大龜

集解孔安國曰尺二寸曰大龜出於

於水中組綬類也

九江山中龜不常

浮於江沱沔於漢踰于雒至於南河

荆河惟豫州

集解孔安國曰西南至荆山北距河水正義括地志云荆山在襄州荆山縣西八十

里韓子云卞和得玉璞於楚之

伊雒瀍澗既入於河

集

荆山即此也河洛州北河也

孔安國曰伊出陸渾山洛出上洛山澗出澠池山瀍出

河南北山四水合流而入河索隱伊水出弘農盧氏縣

東洛水出弘農上洛縣冢嶺山澗水出河南穀成縣晉亭北澗水出弘農新安縣東皆入于河正義括地志云

伊水出虢州盧氏縣東壑山東北流入洛洛水出商州

洛南縣冢嶺山東流經洛州郭內又各合伊水澗水出

洛州新安縣東南流至洛州郭內南入洛澗水源出洛

州新安縣東白石山東北與穀水合流經洛州郭內東

流入

榮播既都

集解孔安國曰榮澤名波水已成過都索隱古文尚書作榮波此及今文並云

洛也

榮播播是水播溢之義榮是澤名故左傳云狄及衛戰於榮澤鄭玄云今塞爲平地榮陽人猶謂其處爲榮播

道荷澤被明都

集解孔安國曰荷澤在胡陵明都澤名在河東北水流決覆被之索隱荷澤在

濟陰定陶縣東明都音孟豬孟豬澤在梁國睢陽縣東

北爾雅左傳謂之諸今文亦爲然唯周禮稱望諸皆此

地之一名正義括地志云荷澤在曹州濟陰縣

東北九十里定陶城東今名龍池亦名九卿陂

其土壤

下土墳壚

集解孔安國曰壚疏也馬融曰豫州地有三等下者墳壚也

田中上賦雜

上中

集解孔安國曰田第四賦第二又雜出第一

貢漆絲絺紵其筐織絮

集解

孔安國曰細綿也

錫貢磬錯

集解孔安國曰治玉石曰錯治磬錯也

浮於維達於

河華陽黑水惟梁州

集解孔安國曰東據華山之南西距黑水正義括地志云黑水源出

梁州城固縣西北太山

汶嶓既藝

集解鄭玄曰地理志岷山在蜀郡蒯氏道嶓冢山在漢陽西索

隱汶一作嶓又作岐岐山封禪書一云瀆在蜀郡蒯氏道西微江水所出嶓冢山在隴西西縣漢水所出也正

義括地志云岷山在岷州溢洛南一里連綿至蜀二千里皆名岷山嶓冢山在梁州金牛縣東二十八里蒯音

子踐反氏音丁奚反

沱潛既道

集解孔安國曰沱潛發源北州入荊州

蔡蒙旅平

集解

孔安國曰蔡蒙二山名祭山曰旅平言治功畢也鄭玄曰地理志蔡蒙在漢嘉縣索隱此非徐州之蒙在蜀郡

青衣縣青衣後改爲漢嘉蔡山不知所在也

正義括地志云蒙山在雅州嚴道縣南十里和夷底績

集解馬融曰

其土青驪

集解孔安國曰色青黑也

田下上賦下中三

錯

集解孔安國曰田第七賦第八雜出第七第九三等

貢璆鐵銀鏤斅磬

集解孔安國曰

璆玉名鄭玄曰黃金之美者

熊羆狐狸織皮

集解孔安國曰貢四

謂之鏤鏤剛鐵可以刻鏤也

獸之皮也織

西傾因桓是來

集解馬融曰治西傾山因桓水是來言無餘道也鄭

玄曰地理志西傾山在隴西臨洮索隱桓水出蜀郡岐

山西南行羗中入海也正義括地志云西傾山今強臺

山在洮州臨洮縣西

浮于潛踰于沔

集解孔安國曰漢上水爲沔鄭玄曰

南三百三十六里

或謂漢

入于渭亂于河

集解孔安國曰正絕流曰亂

黑水西河惟雍

州

集解孔安國曰西距黑水東據河龍門之河在冀州西索隱地理志益州滇池有黑水祠鄭玄引地說云

三危山黑水出其南山海經

黑水出崑崙崙墟西北隅也

弱水既西

集解孔安國曰導之西流至於

合黎鄭玄曰衆水皆東北獨西流也索隱水經云弱水

出張掖剛丹縣西北至酒泉會水縣入合黎山腹山海

經云弱水出崑

涇屬渭汭

集解孔安國曰屬達也水北曰汭言治涇水入于渭也鄭

玄曰地理志涇水出安定涇陽索隱渭水出首陽縣鳥

鼠同穴山說文云水相入曰汭正義括地志云涇水源

出原州百泉縣西南筭頭山涇谷渭水源出渭原縣西

七十六里鳥鼠山今名青雀山渭有三源並出鳥鼠山

東流入河按言治涇水及至渭水又治漆

沮亦從渭流復治澧水亦同入渭者也

漆沮既從

正義

括地志云漆水源出岐州普閏縣東南岐漆山漆溪東入渭沮水一名川水源出雍州富平縣東入櫟陽縣南漢高帝於櫟陽置萬年縣十三州地理志云萬年縣南有涇渭北有小河即沮水也詩云古公去邠度漆沮即此二

澧水所同

集解澧音豐孔安國曰漆沮之水已從入渭澧水所同同於渭也索隱漆沮二

水漆水出右扶風漆縣西沮水地理志無文而水經以沮水出北地直路縣東過馮翊郡縣入洛說文亦以漆沮各是一水名孔安國獨以爲一又云是洛水澧水出右扶風鄠縣南東北過上林苑正義括地志云雍州鄠縣終南山

荆岐已旅

集解孔安國曰荆在岐東非荆州之荆也正義括地志云荆山

在雍州富平縣今名掘陵原岐山在岐州岐山縣東北十里尚書正義云洪水時祭祀禮廢已旅祭言治水功畢也按雍州荆山即黃帝及禹鑄鼎地也

襄州荆山縣西荆山即卞和得玉璞者

終南敦物至

于鳥鼠

集解孔安國曰三山名言相望也鄭玄曰地理志終南敦物皆在右扶風武功也索隱按左傳

中南山杜預以爲終南山地理志云太一山古文以爲

終南垂山古文以爲敦物皆在扶風武功縣東正義括

地志云終南山一名中南山一名太一山一名南山一

名橘山一名楚山一名泰山一名周南山一名地肺山

在雍州萬年

原隰底績至于都野

集解鄭玄曰地理志都野在武威名曰休

屠澤正義原隰幽州地也按原高平地也隰低下地也

言從渭州致功西北至涼州都野沙州三危山也括地

志云都野澤在涼州姑

三危既度

索隱鄭玄引河圖及地說云三危山在鳥

鼠西南與岐山相連度劉

三苗大序

集解孔安國曰西裔之山已可居三

伯莊音田各反尚書作宅

苗之族大有次

其土黃壤田上上賦中下

集解孔安國曰田第一賦

序禹之功也

第六人
功少

貢璆琳琅玕

集解孔安國曰璆琳琅玕石名而似珠者

浮于積

石至于龍門西河

集解孔安國曰積石山在金城西南河所經也龍門山在河東之西界索

隱積石在金城河闕縣西南龍門山在左馮翊夏陽縣西北正義括地志云積石山今名小積石在河州抱罕

縣西七里河州在京西一千四百七十二里龍門山在同州韓城縣北五十里李奇云禹鑿通河水處廣八十

步三秦記云龍門水懸船而行兩旁有山水陸不通龜魚集龍門下數千不得上上則爲龍故云暴鰓點額龍

門下按河在冀州西故云西河也禹發源河水小積石山浮河東北下歷靈勝北而南行至於龍門皆雍州地

也

會于渭汭

正義水經云河水又南至潼關渭水從西注之也

織皮昆侖析支

渠搜西戎即序

集解孔安國曰織皮毛布此四國在荒服之外流沙之內羗髳之屬皆就次序

美大禹之功及戎狄也索隱鄭玄以爲衣皮之人居昆
侖析支渠搜三山皆在西戎王肅曰昆侖在臨羌西析
支在河關西戎西域王肅以爲地名而不言渠搜今
按地理志金城臨羌縣有昆侖祠敦煌廣至縣有昆侖
障胡方有

道九山

索隱汧壺口砥柱太行西傾熊耳嶧
冢內方岐是九山也古分爲三條故

地理志有北條之荆山馬融以汧爲北條西傾爲中條
嶧冢爲南條鄭玄分四列汧爲陰列西傾次陰列嶧冢

爲陽列岐
山次陽列

汧及岐至于荆山

集解鄭玄曰地理志汧在
右扶風也索隱汧一作岍

按有汧水故其字或從山或從水猶岐山然也地理志
云吳山在右扶風美陽縣西荆山在左馮翊懷德縣南
也正義括地志云汧山在隴州汧源縣西六十里
其山東隣汶岫西接隴岡汧水出焉岐山在岐州

踰于

河壺口雷首

索隱雷首山在河
東蒲坂縣東南

至于太嶽

集解孔安國
曰三山在冀

州太嶽在上黨西也索隱即霍太山也已見上正義括地志云壺口在慈州吉昌縣西南雷首山在蒲州河東

縣太嶽霍山也

在沁州沁源縣

砥柱析城至于王屋

集解孔安國曰此三山在冀州之南

河之北索隱析城山在河東獲澤縣西南王屋山在河東垣縣東北水經云砥柱山在河東太陽縣南河水中也正義括地志云底柱山俗名三門山在硤石縣東北五十里黃河之中孔安國云底柱山名河水分流包山而過山見水中若柱然也括地志云析城山在澤州西南七十里注水經云析城山甚高峻上平坦有二水東濁西清左右不生草木括地志云王屋山在懷州王屋縣北十里古今地名云山方七百里山高萬仞本冀州之河

陽山也

太行常山至于碣石入于海

集解孔安國曰此二山連延東北接碣石

而入於滄海索隱太行山在河內山陽縣西北常山恒山是也在常山郡上曲陽縣西北正義括地志云太行

山在懷州河內縣北二十五里有羊腸坂恒山在定州恒陽縣西北百四十里道書福地記云恒山高三千三

百丈上方二十里有太玄之泉神草十九種可度俗

西傾朱圉鳥鼠至于太華

集解

鄭玄曰地理志云朱圉在漢陽南太華山在弘農華陰南孔安國曰鳥鼠山渭水所出在隴西之西索隱圉一作圖朱圉山在天水冀縣南鳥鼠山在隴西首陽縣西南太華即敦物山

熊耳外方桐栢至

于負尾

集解鄭玄曰地理志熊耳在盧氏東外方在潁川嵩高縣桐栢山在南陽平氏東南陪尾在江

夏安陸東北若橫尾者索隱熊耳山在弘農盧氏縣東伊水所出外方山即潁川嵩高縣嵩高山古文尚書亦以爲外方山桐栢山一名大復山在南陽平氏縣東南陪尾山在江夏安陸縣東北地理志謂之橫尾山負音陪也正義括地志云華山在華州華陰縣界八里熊耳山在虢州盧氏縣南五十里嵩高山亦名太室山亦名

外方山在洛州城陽縣北二十三里也桐栢山在唐州東南五十里淮水出焉橫尾山古陪尾山也在安州安

陸縣北

道嶓冢至于荆山

集解鄭玄曰地理志荆山在南郡臨沮正義括地志云嶓

冢山在梁州荆山在襄州荆山縣西八十里也又云荆山縣本漢臨沮縣地也沮水即漢水也按縣孫叔敖激

沮水爲雲

夢澤是也內方至于大別

集解鄭玄曰地理志內方在竟陵名立章山大別在廬江

安豐縣索隱內方山在竟陵縣東北大別山在六安國

安豐縣今土人謂之甌山正義括地志云章山在荊州

長林縣東北六十里今漢水附章山之東與經史符會

按大別山今沙洲在山上漢江經其左今俗猶云甌山

注云在安豐

汶山之陽至于衡山

索隱在長沙湘南縣東南廣雅云岫嶠謂

非漢所經也

之衡山正義括地志云岷山在茂州汶

川縣衡山在衡州湘潭縣西四十一里

過九江至于敷

淺原

集解徐廣曰淺一作滅駟案孔安國曰敷淺原一名博陽山在豫章

道九川

索隱弱黑河濬

江沆淮渭洛爲九川

弱水至于合黎

集解鄭玄曰地理志弱水出張掖孔安國曰合黎水名在

流沙東索隱水經云合黎山在酒泉會水縣東北鄭玄引地說亦以爲然孔安國云水名當是其山出弱水故

所記各不同正義括地志云蘭門山一名合黎一名窮

石山在甘州刪丹縣西南七里淮南子云弱水源出窮

石山又云合黎一名羗谷水一名鮮水一名覆表水今

名副投河亦名張掖河南自吐谷渾界流入甘州張掖

縣今按合黎水出臨路松山東而北流歷張掖故城下

又北流經張掖縣二十三里又北流經合黎山折而北

流經流沙磧之西入居延海行千五

百里合黎山張掖縣西北二百里也

餘波入于流沙

集解

孔安國曰弱水餘波西溢入流沙鄭玄曰地理志流沙居延西北名居延澤地記曰弱水西流入合黎山腹餘

波入于流沙通於南海馬融王肅皆云合黎流沙是地名索隱地理志張掖居延縣西北有居延澤古文以爲流沙廣志流沙在玉門關外有居延澤居延城又山海經云流沙出鍾山西南行昆侖墟入海按是地兼有水故一云地名一云水名

道黑水至于三危入于南海

集解

鄭玄曰地理志益州滇池有黑水祠而不記此山水所在在地記曰三危山在鳥鼠之西南孔安國曰黑水自北而南經三危過梁州入南海也正義括地志云黑水源出伊吳縣北百二十里又南流二十里而絕三危山在沙州燉煌縣東南四十里按南海即揚州東大海岷江下至揚州東入海也其黑水源在伊州從伊州東南三千餘里至鄯州鄯州東南四百餘里至河州入黃河河州有小積石山即禹貢浮於積石至于龍門者然黃河源從西南下出大崑崙崙東北隅東北流經于闐入鹽澤即東南潛行入吐谷渾界大積石山又東北流至小積

石山又東北流來處極遠其黑水當洪水時合從黃河而行何得入于南海南海去此甚遠阻隔南山隴山岷山之屬當是洪水浩浩處西戎不深致功古文故有疏略也

道河積石

索隱爾雅云河出昆侖墟

其色白漢書西域傳云河有兩源一出蔥嶺一出于闐于闐河北流與蔥嶺河合東注蒲昌海一名鹽澤其水停冬夏不增減其南出積石爲中國河是

至于龍門南

至華陰

集解孔安國曰至華陰山北而東行正義華陰縣在華山北本魏之陰晉縣秦惠文王更名寧

秦漢高帝

東至砥柱

集解孔安國曰砥柱山名河水分流包山而過山見水中若柱然也

改曰華陰

在西虢之界正義砥柱山俗名三門

又東至于盟津

集解

山禹鑿北山三道河水故曰三門也

孔安國曰在洛北索隱盟古孟字孟津在河陽十三州記云河陽縣在於河上即孟津是也正義杜預云盟河

內郡河陽縣南孟津也在洛陽城北都道所湊古今爲
津武王渡之近代呼爲武濟括地志云盟津周武王伐
紂與八百諸侯會盟津亦曰孟津又曰富
平津水經云小平津今云河陽津是也

東過碓汭至

于大邳

集解孔安國曰洛汭洛入河處山再成曰邳索隱爾雅云山一成曰邳或以爲成臯山是正義

李巡云山再重曰英一重曰邳括地志云大邳山今名
黎陽東山又曰青壇山在衛州黎陽南七里張揖云今
成臯

北過降水至于大陸

集解鄭玄曰地理志降水在信都南孔安國曰大陸澤名

非也

索隱地理志絳水字從糸出信都國與庠池漳河水並
流入海大陸在鉅鹿郡爾雅云晉有大陸郭璞以爲此
澤也正義括地志云降水源出潞州

北播爲九河同爲

屯留縣西南方東北流冀州入海

逆河

集解鄭玄曰下尾合名曰逆河言相逆受也

入于海

正義播布也河至冀州分布爲九河

下至滄州更同合爲一大河名曰
逆河而夾右碣石入於渤海也

嶧冢道養東流爲漢

集解鄭玄曰地理志養水出隴西氏道至武都爲漢至
江夏謂之夏水索隱水經云養水出隴西氏道縣嶧冢
山東至武都沮縣爲漢水地理志云至江夏謂之夏水
山海經亦以漢出嶧冢山故孔安國云泉始出山爲養
水東南流爲沔水至漢中東行爲漢水正義括地志云
嶧冢山水始出山沮洳故曰沮水東南爲養水又爲沔
水至漢中爲漢水至均州爲滄浪水始欲出
大江爲夏口又爲沔口漢江一名沔江也 又東爲蒼

浪之水

集解孔安國曰別流也在荊州索隱馬融鄭玄
皆以滄浪爲夏水即漢水之別流也漁父謠曰

滄浪之水清兮可以濯吾纓是此水也正義括地志云
均州武當縣有滄浪水庾仲雍漢水記云武當縣西四
十里漢水中有洲名滄浪洲也地
記云水出荊山東南流爲滄浪水 過三澁入于大別

集解

孔安國曰三澨水名鄭玄曰在江夏竟陵之界索隱水經云三澨地名在南郡即縣北孔安國鄭玄以爲水名

今竟陵有三澨水俗云是三澨水叅音去聲

南入于江東匯澤爲彭蠡

集解孔安

國曰匯回也水東

東爲北江入于海

集解孔安國曰自彭蠡江分爲三道

回爲彭蠡大澤

入震澤遂爲

汶山道江東別爲沱又東至于醴

集解孔安國及

北江而入海

馬融王肅皆以醴爲水名鄭玄曰醴陵名也大阜曰陵

長沙有醴陵縣索隱按騷人所歌濯余佩於醴浦明醴

是水孔安國馬融解得其實又虞喜志

過九江至于東

林以醴是江沅之別流而醴字作澧也

陵

集解孔安國曰東陵地名

東迤北會于匯

集解孔安國曰迤溢也東溢分流都共北會彭

蠡

東爲中江入于海

集解孔安國曰有北有中南可知也正義括地志云禹貢三江俱會

於彭蠡合爲一江入于海

道沅水東爲濟入于河決爲滎

集解鄭玄曰地理志

沅水出河東垣縣王屋山東至河內武德入河決爲滎
孔安國曰濟在溫西北滎澤在敖倉東南索隱水經云
自河東垣縣王屋山東流爲沅水至溫縣西北爲濟水
正義括地志云沅水出懷州王屋縣北十里王屋山頂
巖下石泉停不流其深不測至縣西北二里平地其源
重發而東南流爲沅水水經云沅水東至溫縣西北爲泚
水又南當輦之北南入于河釋名云濟者濟也下濟子
細反按濟水入河而南截度河南岸溢滎澤在鄭州滎
澤縣西北四里

東出陶丘北

集解孔安國曰陶丘丘再成者也鄭玄曰地理志陶

丘在濟陰定陶西北正義括地志云陶丘在濮州鄆城
西南二十四里又云在曹州城中徐才宗國都城記云

此城中高丘即古之陶丘

又東至于荷

集解孔安國曰荷澤之水

又東北會于汶

正義汶音問地理志云汶水出泰山郡萊蕪縣原山西南入濟又北東入于海道淮自

桐栢

正義地理志云桐栢山在南陽平氏縣東南淮水所出按在唐州東五十餘里

東會于泗

沂東入于海

集解孔安國曰與泗沂二水合入海也

道渭自鳥鼠同穴

集解

孔安國曰鳥鼠共爲雌雄同穴處此山遂名曰鳥鼠渭水出焉正義括地志云鳥鼠山今名青雀山在渭州渭源縣西七十六里山海經云鳥鼠同穴之山渭水出焉郭璞注云今在隴西首陽縣西南山有鳥鼠同穴鳥名鵠鼠名鼯如人家鼠而短尾鵠似鴉而小黃黑色穴入地三四尺鼠在內鳥在外鵠音余鼯扶廢反鴉音丁刮反似

雞也東會于澧

正義澧音豐括地志云雍州鄠縣終南山澧水出焉北入渭也

又東北

至于涇

正義括地志云涇水出原州百泉縣西南筭頭山涇谷東南流入渭也

東過漆沮

入于河

集解孔安國曰漆沮二水名亦曰洛水出馮翊北

道雒自熊耳

集解孔安國曰

在宜陽之西正義括地志云洛水出商州洛南縣西冢

嶺山東北流入河熊耳山在虢州盧氏縣南五十里洛

所經東北會于澗瀍

集解孔安國曰會于河南城南正義括地志云澗水出洛州新安縣東北

石山之陰地理志云瀍水出河

南穀城縣晉亭北東南入於洛

又東會于伊

集解孔安國曰會於

洛陽東北入于河

集解孔安國曰合於鞏之東也

於是九州攸同四奧

既居

集解孔安國曰四方之宅已可居也

九山棐旅

集解孔安國曰九州名山已槎木通道而

旅祭也九川滌原

集解孔安國曰九州之川已滌除無壅塞也

九澤既陂

集解孔安

國曰九州之澤皆已陂障無決溢也

四海會同六府甚脩

集解孔安國曰六府金木水火

穀土衆土交正致慎財賦

集解鄭玄曰衆土美惡及高下得其正矣亦致其貢篚慎奉其

財物之稅皆法定制而入之也

咸則三壤成賦

集解鄭玄曰三壤上中下各三等也

中國

賜土姓祇台德先不距朕行

集解鄭玄曰中即九州也天子建其國諸侯胙之土

賜之姓命之氏其敬悅天子之德既先又不距違我天子政教所行

令天子之國以外五

百里甸服

集解孔安國曰爲天子之服治田去王城面五百里內

百里賦納總

集解

孔安國曰甸內近王城者禾稂曰總飼供國馬也索隱說文云總聚束草也

二百里納銍

集解

孔安國曰所銍刈謂禾穗索隱說文云銍獲禾短鎌也

三百里納秸服

集解孔安國曰秸稂

也服稂役索隱禮郊特牲云蒲越稂秸之美則秸是稂之類也

四百里粟五百里米

集解

孔安國曰所納精者少麤者多
甸服外五百里侯服
集解孔安國曰侯也斥侯而服事

也

百里采

集解馬融曰采事也各受王事者

二百里任國

集解孔安國曰任王事者

三百里諸侯

集解孔安國曰三百里同爲王者斥侯故合三爲一名

侯服外五百

里綏服

集解孔安國曰綏安也服王者政教

三百里揆文教

集解孔安國曰揆度也度

王者文教而行之三百里皆同

二百里奮武衛

集解孔安國曰文教外之二百里奮武衛天子

所以安

綏服外五百里要服

集解孔安國曰要束以文教也

三百里夷

集解

孔安國曰守平常之教事王者而已

二百里蔡

集解馬融曰蔡法也受王者刑法而已

要服

外五百里荒服

集解馬融曰政教荒忽因其故俗而治之

三百里蠻

集解馬融曰蠻

慢也禮簡怠慢
來不距去不禁

二百里流

集解馬融曰流
行無城郭常居

東漸于海西

被于流沙朔南暨

集解鄭玄
曰朔北方

聲教訖于四海於是帝錫

禹玄圭以告成功于天下

正義帝堯也玄水色以禹理
水功成故錫玄圭以表顯之

自此已上並
尚書禹貢文

天下於是太平治臯陶作士以理民帝舜

朝禹伯夷臯陶相與語帝前臯陶述其謀曰信其道德

謀明輔和禹曰然如何臯陶曰於

正義音烏
歎美之辭

慎其身脩

正義以
爲絕句

思長

集解孔安國曰慎脩
其身思爲長久之道

敦序九族衆明高翼

近可遠在已

集解鄭玄曰次序九族而親之以衆明
作羽翼之臣此政由近可以及遠也

禹

拜美言曰然臯陶曰於在知人在安民禹曰吁皆若是

惟帝其難之

集解孔安國曰言帝堯亦以爲難

知人則智能官人能安

民則惠黎民懷之能知能惠何憂乎驩兜何遷乎有苗

何畏乎巧言善色佞人

集解鄭玄曰禹爲父隱故言不及鯀

臯陶曰然於

亦行有九德亦言其有德乃言曰始事事

集解孔安國曰言其人有

德必言其所行

寬而栗

集解孔安國曰性寬弘而能莊栗

柔而立

集解孔安

國曰和柔

愿而共

集解孔安國曰愨愿而恭敬

治而敬擾而毅

集解徐廣

曰擾一作柔駟案孔安國曰擾順也致果爲毅

直而溫簡而廉剛而實彊而義

章其有常吉哉

集解孔安國曰章明也吉善也

日宣三德蚤夜翊明有

家

集解孔安國曰三德九德之中有其三也卿大夫稱家明行之可以爲卿大夫

日嚴振敬六

德亮采有國

集解孔安國曰嚴敬也行六德以信治政事可爲諸侯也馬融曰亮信采事也

翕

受普施九德咸事俊乂在官

集解孔安國曰翕合也能合受三六之德而用之以

布施政教使九德之人皆用事謂天子也如此則俊德治能之士並皆在官也

百吏肅謹毋教

邪淫奇謀非其人居其官是謂亂天事

索隱此取尚書皋陶謨爲文斷

絕殊無次序即班固所謂疎略抵牾是也今亦不能深考

天討有罪五刑五用哉

集解

孔安國曰言用五刑必當

吾言底可行乎禹曰女言致可績行皋陶

曰余未有知思贊道哉

正義臯陶云我未有所知思之審贊於古道耳謙詞也已上並

尚書臯陶謨文略其經不全備也

帝舜謂禹曰汝亦昌言禹拜曰於予

何言予思日孳孳臯陶難禹曰何謂孳孳禹曰鴻水滔

天浩浩懷山襄陵下民皆服於水予陸行乘車水行乘

舟泥行乘橈山行乘橐行山槩木

正義行寒孟反槩口寒反

與益予

衆庶稻鮮食

集解孔安國曰鳥獸新殺曰鮮索隱予音與上與謂同與之與下予謂施予之予此

禹言其與益施予衆庶之稻糧

以決九川致四海浚畎澮

集解鄭玄曰畎澮田間溝

也

致之川與稷予衆庶難得之食食少調有餘補不足

徙居衆民乃定萬國爲治皐陶曰然此而美也禹曰於

帝慎乃在位安爾止

集解鄭玄曰安汝之所止無妄動動則擾民

輔德天下

大應清意以昭待上帝命天其重命用休

集解鄭玄曰天將重命汝

以美應謂
符瑞也

帝曰吁臣哉臣哉臣作朕股肱耳目予欲左

右有民女輔之

集解馬融曰我欲左右助民汝當翼成我也

余欲觀古人之

象日月星辰作文繡服色女明之予欲聞六律五聲八

音來始滑以出入五言女聽

集解駰案尚書滑字作習音忽鄭玄曰習者臣見君

所秉書思對命者也君亦有焉以出納政教於五官索
隱古文尚書作在治忽今文作采政忽先儒各隨字解

之今此云來始滑於義無所通蓋來采字相近滑忽聲相亂始又與治相似因誤爲來始滑今依今文音采政忽三字劉伯莊云聽諸侯能爲政及忽怠者是也五言謂仁義禮智信五德之言鄭玄以爲出納政教五官非也

予即辟女匡拂予女無面諛退而謗予敬四輔臣

集解

駟案尚書大傳曰古者天子必有四

鄰前曰疑後曰丞左曰輔右曰弼諸衆讒嬖臣君

集解

徐廣曰臣一作吾索隱諸衆讒

嬖臣爲一句君字宜屬下文德誠施皆清矣禹曰然

帝即不時布同善惡則毋功

集解孔安國曰帝用臣不

故也帝曰

正義此二字及下禹曰尚書並無太史公有

母

若丹朱傲維慢游是好母水行舟朋淫于家

集解鄭玄曰朋淫淫

門內用絕其世予不能順是禹曰予辛壬娶塗山癸甲生

啓

集解孔安國曰塗山國名辛日娶妻至於甲四日復往治水索隱杜預云塗山在壽春東北皇甫謐云今

九江當塗有禹廟則塗山在江南也系本日塗山氏女名女嬌是禹娶塗山氏號女嬌也又按尚書云娶于塗山辛壬癸甲啓呱呱而泣予弗子今此云辛壬娶塗山癸甲生啓蓋今文尚書脫漏太史公取爲言亦不稽其本意豈有辛壬娶妻經

予不子

正義此三字爲一句禹辛日娶至甲四日往理

水及生啓不入門我不得名子以故能成水土之功又一云過門不入不得有子愛之心帝繫云禹娶塗山氏之子謂之女以故能成水土功輔成五服至于五千里

嬌是生啓也

州十二師外薄四海

集解孔安國曰薄迫言至海也正義爾雅云九夷八狄七戎六蠻謂

之四海釋名云海晦也按夷蠻晦昧無知故云四海也

咸建五長

集解孔安國曰諸侯五國立賢

者一人爲方伯謂之五長以相統治

各道有功苗頑不即功

集解孔安國曰三苗頑凶

不得就官善惡分別

帝其念哉帝曰道吾德乃女功序之也臯陶

於是敬禹之德令民皆則禹不如言刑從之

索隱謂不用命之人

則亦以刑罰從之

舜德大明於是夔行樂祖考至羣后相讓鳥

獸翔舞簫韶九成鳳皇來儀

集解孔安國曰簫韶舜樂名備樂九奏而致鳳皇也

百獸率舞百官信諧帝用此作歌曰陟天之命維時維

幾

集解孔安國曰奉正天命以臨民惟在順時惟在慎微

乃歌曰股肱喜哉元首

起哉百工熙哉

集解孔安國曰股肱之臣喜樂盡忠君之治功乃起百官之業乃廣

皋陶

拜手稽首揚言曰念哉

集解鄭玄曰使羣臣念帝之戒

率爲興事慎乃

憲敬哉

集解孔安國曰率臣下爲起治之事當慎汝法度敬其職

乃更爲歌曰元首

明哉股肱良哉庶事康哉又歌曰元首叢脞哉股肱惰

哉萬事墮哉

集解孔安國曰叢脞細碎無大略也君如此則臣懈惰萬事墮廢也

帝拜曰

然往欽哉於是天下皆宗禹之明度數聲樂

集解徐廣曰舜本紀

云禹乃興九韶之樂

爲山川神主帝舜薦禹於天爲嗣十七年

集解

劉熙曰若此則舜格于丈祖三年之後攝禹使得祭祀興

而帝舜崩三年喪畢禹辭

避舜之子商均於陽城

集解劉熙曰今潁川陽城是也

天下諸侯皆去

商均而朝禹禹於是遂即天子位

集解皇甫謐曰都平陽或在安邑或在晉

陽

南面朝天下國號曰夏后姓姒氏

集解駰案禮緯曰祖以吞薏苡生

帝禹立而舉臯陶薦之且授政焉而臯陶卒

正義帝王紀云臯陶

生於曲阜曲阜偃地故帝因之而以賜姓曰偃堯禪舜命之作士舜禪禹禹即帝位以咎陶竄賢薦之於天將有禪之意未及禪會臯陶卒括地志云咎繇墓在壽州安豐縣南一百三十里故六城東東都波內大冢也

封臯陶之後於英六

集解徐廣曰史記皆作英字而以英布是此苗裔索隱地理志六安

國六縣咎繇後偃姓所封國英地闕不知所在以爲黥布是其後也正義英蓋蓼也括地志云光州固始縣本

春秋時蓼國偃姓皋陶之後也左傳云子變滅蓼太康地志云蓼國先在南陽故縣今豫州鄆縣界故胡城是

後徙於此括地志云故六城在壽州安豐縣南一百三十二里春秋文五年秋楚成大心滅之或在許

集解駟案皇覽曰皋陶冢在廬江六縣索隱許在潁川正義括地志云許故城在許州許昌縣南三十里本漢

許縣故許國也而后舉益任之政十年帝禹東巡狩至于會稽

而崩集解皇甫謐曰年百歲也以天下授益三年之喪畢益讓帝禹

之子啓而辟居箕山之陽集解駟案孟子陽字作陰劉熙曰嵩高之北正義按陽即

陽城也括地志云陽城縣在箕山北十三里又恐箕字誤本是嵩字而字相似其陽城縣在嵩山南二十三里

則爲嵩山之陽也禹子啓賢天下屬意焉及禹崩雖授益益之

佐禹日淺天下未洽故諸侯皆去益而朝啓曰吾君帝

禹之子也於是啓遂即天子之位是爲夏后帝啓夏后

帝啓禹之子其母塗山氏之女也有扈氏不服

索隱地理志曰

扶風鄠縣是扈國正義括地志云雍州南鄠縣本夏之扈國也地理志云鄠縣古扈國有戶亭訓纂云戶扈鄠

三字一也古

今字不同耳啓伐之大戰於甘

集解馬融曰甘有扈氏南郊地名索隱夏啓所

伐鄠南有甘亭

將戰作甘誓乃召六卿申之

集解孔安國曰天子六軍其將皆命

卿也啓曰嗟六事之人

集解孔安國曰各有軍事故曰六事

予誓告女有扈

氏威侮五行怠棄三正

集解鄭玄曰五行四時威德所行之政也威侮暴逆之三正天

地人之正道

天用勦絕其命

集解孔安國曰勦截也

今予維共行天之

罰

集解孔安國曰共奉也

左不攻于左右不攻于右女不共命

集解

鄭玄曰左車左右車右

御非其馬之政女不共命

集解孔安國曰御以正馬爲政

也三者有失皆不奉我命也

用命賞于祖

集解孔安國曰天子親征必載遷廟之祖主行有功

即賞祖主前示不專也

不用命僂于社

集解孔安國曰又載社主謂之社事奔北則僂之社

主前社主陰陰主殺也

予則帑僂汝

集解孔安國曰非但止身辱及汝子言恥累也

遂滅

有扈氏天下咸朝夏后帝啓崩

集解徐廣曰皇甫謐曰夏啓元年甲辰十年癸

丑子帝太康立帝太康失國

集解孔安國曰盤于遊田不恤民事爲羿所逐不得

反國

昆弟五人

索隱皇甫謐云號五觀也

須于洛汭作五子之歌

集解孔安

國曰太康五弟與其母待太康于洛水之北怨其不反故作歌

太康崩弟中康立是爲

帝中康帝中康時羲和湏淫廢時亂日

集解孔安國曰羲氏和氏掌天

地四時之官太康之後沈湎于酒廢天時亂甲乙也

胤往征之作胤征

集解孔安國曰胤國

之君受王命往征之鄭玄曰胤臣名

中康崩子帝相立帝相崩子帝少康

立

索隱左傳魏莊子曰昔有夏之衰也后羿自鉏遷于窮石因夏人以代夏政恃其射也不修人事而信用

伯明氏之讒子寒浞浞殺羿亨之以食其子子不忍食死于窮門浞因羿室生澆及豷使澆滅斟灌氏及斟尋氏而相爲澆所滅后緡歸于有仍生少康有夏之臣靡自有鬲收二國之燼以滅浞而立少康少康滅澆于過

后杼滅殪于戈有窮遂亡然則帝相自被篡弑中間經
羿浞二氏蓋三數十年而此紀總不言之直云帝相崩
子少康立疎略之甚正義帝王紀云帝羿有窮氏未聞
其姓何先帝嘗以上世掌射正至嚳賜以彤弓素矢封
之於鉏爲帝司射歷虞夏羿學射於吉甫其臂長故以
善射聞及夏之衰自鉏遷于窮石因夏民以伐夏篡帝
相徙于商丘依同姓諸侯斟尋羿恃其善射不脩民事
淫于田獸棄其良臣武羅伯姻熊髡尨圍而信寒浞寒
浞伯明氏之讒子伯明后以讒棄之而羿以爲己相寒
浞殺羿於桃梧而亨之以食其子其子不忍食之死于
窮門浞遂代夏立爲帝寒浞襲有窮之號因羿之室生
豷及豷豷多力能陸地行舟使豷帥師滅斟灌斟尋殺
夏帝相封豷於過封豷於戈恃其詐力不恤民事初豷
之殺帝相也妃仍氏女曰后緡歸有仍生少康初夏之
貴臣曰靡事羿羿死逃於有鬲氏收斟尋二國餘燼殺
寒浞立少康滅豷于過后杼滅殪於戈有窮遂亡也按

帝相被篡歷羿浞二世四十年而此紀不說亦馬遷所爲疏略也纂音五告反殪音許器反括地志云故鉏城在滑州衛城縣東十里晉地記云河南有窮谷蓋本有窮氏所遷也括地志云商丘今宋州也斟灌故城在青州壽光縣東五十四里斟尋故城今青州北海縣是也故過鄉亭在萊州掖縣西北二十里本過國地故鬲城在洛州密縣界杜預云國名今平原鬲縣也戈在宋鄭之間也寒國在北海平壽縣東寒亭也伯明其君也臣瓚云斟尋在河南蓋後遷北海也汲冢古文云太康居斟尋羿亦居之桀又居之尚書云太康失邦兄弟五人須于洛汭此即太康居之爲近洛也又吳起對魏武侯曰夏桀之居在河濟右太華伊闕在其南羊腸在其北又周書度邑篇云武王問太公吾將因有夏之居即河南是也括地志云故斟城在洛州鞏縣西南五十八里蓋桀所居也陽翟縣又是禹所封爲夏伯

帝少康崩子帝予立

索隱音佇系本云季佇作

甲者也左傳曰杼滅豷于
戈國語云杼能師禹者也

帝予崩子帝槐立

索隱槐音回系本作

帝槐崩子帝芒立

索隱音亡鄒誕生又音荒

帝芒崩子帝泄立帝

泄崩子帝不降立

索隱系本作帝降

帝不降崩弟帝扃立帝扃

崩子帝廕立

索隱音觀鄒誕生又音勤

帝廕崩立帝不降之子孔甲

是爲帝孔甲帝孔甲立好方鬼神事淫亂夏后氏德衰

諸侯畔之天降龍二有雌雄孔甲不能食

正義音寺

未得豢

龍氏

集解賈逵曰豢養也穀食曰豢

陶唐既衰其後有劉累

集解服虔曰後劉累

之爲諸侯者夏后賜之姓正義括地志云劉累故城在洛州緱氏縣南五十里乃劉累之故地也

學擾

龍

集解應劭曰擾音柔擾馴也能順養得其嗜慾

于豢龍氏以事孔甲孔甲賜

之姓曰御龍氏

集解服虔曰御亦養

受豕韋之後

集解徐廣曰受一作更駟案賈

達曰劉累之後至商不絕以代豕韋之後祝融之後封於豕韋殷武丁滅之以劉累之後代之索隱按系本豕

韋彭

龍一雌死以食夏后夏后使求懼而遷去

集解賈逵曰夏

后既饗而又使求致龍劉累不能得而懼也傳曰遷于魯縣

孔甲崩子帝皐立帝皐

崩

集解駟案左傳曰皐墓在般南陵

子帝發立帝發崩子帝履癸立是

爲桀

索隱桀名也按系本帝皐生發及桀此以發生桀皇甫謐同也

帝桀之時

集解駟案謐法

賊人多殺曰桀

自孔甲以來而諸侯多畔夏桀不務德而武傷

百姓百姓弗堪迺召湯而囚之夏臺

索隱獄名夏曰鈞臺皇甫謐云地在

陽翟是也

已而釋之湯脩德諸侯皆歸湯湯遂率兵以伐夏

桀桀走鳴條

集解孔安國曰地在安邑之西鄭玄曰南夷地名

遂放而死

集解徐廣

曰從禹至桀十七君十四世駟案汲冢紀年曰有王與無王用歲四百七十一年矣正義括地志云廬州巢縣有巢湖即尚書成湯伐桀放於南巢者也淮南子云湯敗桀於歷山與妹喜同舟浮江奔南巢之山而死國語云滿於巢湖又云夏桀伐有施施人以妹喜女焉女音女慮反

桀謂人曰吾悔不遂殺

湯於夏臺使至此湯乃踐天子位代夏朝天下湯封夏

之後

正義括地志云夏亭故城在汝州郟城縣東北五十四里蓋夏后所封也

至周封於杞

也

正義括地志云汴州雍丘縣古杞國城也周武王封禹後號東樓公也

太史公曰禹爲姒姓其後分封用國爲姓故有夏后氏

有扈氏有男氏斟尋氏彤城氏褒氏費氏

集解徐廣曰一云斟氏尋

氏索隱系本男作南尋作鄆費作弗而不云彤城及褒

按周有彤伯蓋彤城氏之後張敦地理記云濟南平壽

縣其地即古斟尋國又下云斟

戈氏按左傳系本皆云斟灌氏杞氏繒氏辛氏冥氏斟

戈氏孔子正夏時學者多傳夏小正云

集解駟案禮運稱孔子曰我欲

觀夏道是故之杞而不足徵也吾得夏時焉鄭玄曰得

夏四時之書其存者有小正索隱小正大戴記篇名正

征二音

自虞夏時貢賦備矣或言禹會諸侯江南計功而

崩因葬焉命曰會稽會稽者會計也

集解綱案皇覽曰禹冢在山陰縣會

稽山上會稽山本名苗山在縣南去縣七里越傳曰禹

到大越上苗山大會計爵有德封有功因而更名苗山

曰會稽因病死葬葦棺穿壙深七尺上無瀉泄下無卽

水壇高三尺土堦三等周方一畝呂氏春秋曰禹葬會

稽不煩人徒墨子曰禹葬會稽衣裘三領桐棺三寸地

理志云山上有禹井禹祠相傳以爲下有羣鳥耘田者

也索隱抵至也音丁禮反葦棺者以葦爲棺謂蘧蔭而

斂非也禹雖儉約豈萬乘之主而臣子乃以蘧蔭裹尸

乎墨子言桐棺三寸差近人情正義括地志云禹

陵在越州會稽縣南十三里廟在縣東南十一里

索隱述贊曰堯遭洪水黎人阻饑禹勤溝洫手足胼

胝言乘四載動履四時娶妻有日過門不私九土既

理玄圭錫茲帝啓嗣立有扈違命五子作歌太康失

政羿浞斷侮夏室不競降于孔甲擾龍乖性嗟彼鳴

條其終
不令

史記卷二

史記卷二考證

夏本紀禹之父曰鯀鯀之父曰帝顓頊顓頊之父曰昌
意昌意之父曰黃帝禹者黃帝之玄孫而帝顓頊之
孫也禹之曾大父昌意及父鯀皆不得在帝位爲人
臣○史通曰顓頊紀中已具云黃帝是顓頊祖矣此
篇下云禹是顓頊孫則其上不得更言黃帝之玄孫
既上云昌意及鯀不得在帝位則於下文不得復云
爲人臣

臣照

按夏本紀禹之父曰鯀鯀之父曰帝顓

項五帝紀瞽叟父曰橋牛橋牛父曰句望句望父曰敬康敬康父曰窮蟬窮蟬父曰帝顓頊是禹爲帝顓頊之孫而舜爲帝顓頊之六世孫矣禹爲舜之高祖行得相見已屬僅事必年大長於舜矣乃舜命禹治水時禹方娶塗山之女復受舜禪十七年而崩於會稽則禹年幼於舜又可知豈理也哉歐陽修辭而闕之當矣

壺口治梁及岐正義岐山岐州岐山縣東北十里○岐

山下脫一在字

常衛既從大陸既爲索隱衛水出常山靈壽縣東入滹
沱○以漢書地理志考之宜云東北入滹沱

鳥夷皮服集解鄭元曰鳥夷東北之民○尚書疏引鄭
元云鳥夷東方之民惟王肅以爲東北夷

浮於濟漂通於河索隱曰濟水出河東垣縣王屋山東
其流至濟陰故應劭云濟水出平原漂陰縣東漂水
出東郡東武陽縣北至千乘縣而入於海○地理志

平原郡漯陰縣注應邵曰漯水出東武陽東北入海
東郡東武陽縣志云禹治漯水東北至千乘縣入海
注應劭曰武水之陽也索隱誤以地理志本文爲應
劭之說

濰淄既道集解地理志濰水出琅邪淄水出泰山萊蕪
縣原山○琅邪下脫箕屋山三字

蒙羽其藝索隱蒙山在泰山蒙陰縣西○以漢書地理
志考之西下脫南字

嶧陽孤桐正義今獨生桐尚徵一偏似琴瑟○推尋文義當作今獨生桐尚徵貢偏宜琴瑟

均江海通淮泗集解鄭元曰均讀曰沿沿順水行也○陸德明尚書釋文引鄭元語沿作松松當爲沿馬本作均云均平此云鄭元曰均讀曰沿與陸氏釋文所引不同

下土墳壚集解孔安國曰壚疏也○今孔傳無此文汶嶧既執索隱封禪書一云瀆○封禪書一云瀆山

蔡蒙旅平集解鄭元曰地理志蔡蒙在漢嘉縣○

臣世

駿

按鄭引地理志誤漢蜀郡青衣縣蒙山所在漢嘉之名至順帝始改地理志不得有其名一誤也蔡山既不知所在而與蒙山並云在漢嘉縣二誤也

至於負尾索隱負音陪○字書負從力從貝與陪同與負別

道蟠冢至於荆山正義沮水即漢水也按縣孫叔敖激沮水爲雲夢澤是也○縣字疑衍當因孫字相近而

誤

道河積石索隱其水停冬夏不增減○漢書西域傳作其水停居停下脫居字

北過降水至於大陸集解鄭元曰地理志降水在信都南○漢地理志信都國信都縣下但云絳水入海尚書疏引地理志亦云在信都縣諸本皆作南字誤也過三澁入於大別索隱水經云三澁地名在南郡鄖縣落北○南郡無鄖縣當是卽字禹貢錐指云三澁一

在襄城北一在樊城南一在三洲口東皆襄陽縣地在古即縣之北今改即

二百里任國集解孔安國曰任王事者○今尚書孔傳作任王者事

以告成功於天下天下於是太平治○一本無下天下

二字

臣照

按二本皆訛應作以告成功於天天下於

是太平治

臣德齡

按禹之功具於禹貢故全載禹貢

之文以明禹之功在萬世凡史記引用經傳全文皆

有意義或謂其未及刪裁者非

衆明高翼近可遠在己集解鄭元曰次序九族而親之
以衆明作羽翼之臣○今尚書疏引鄭云以衆賢明
作羽翼之臣

何畏乎巧言善色佞人集解鄭元曰禹爲父隱故言不
及鯀○禹爲父隱云云今尚書疏以爲馬融之言

予辛壬娶塗山癸甲生啟集解孔安國曰辛日娶妻至
於甲四日復往治水○今孔傳無四字

天降龍二有雌雄孔甲不能食一段

臣德齡

按載豢龍

事所以明孔甲之荒淫舉其極以概其餘也或謂降龍事無關典要似可不載者非

有男氏○路史國名紀曰世本之有男氏潛夫作南周書之有南也

史記卷二考證